



02945



嘉樹山房文集目錄卷四

故荏州知州左公墓誌銘

故甘泉縣尹企瞻紀公墓誌銘

中憲大夫貴州平越府廉夫孟公墓誌銘

靳封翁九峯先生暨配盛孀人合葬墓表

舒室李氏女名學悰墓誌銘

呂子才暨配周合葬墓誌銘

江西督糧道南皮兼山張公墓誌銘

文林郎陝西武功縣知縣劉公方咨墓誌銘

封翁郭申甫暨配何合葬墓誌銘

嘉樹山房文集

卷四目錄

故寧陽縣知縣彤綸郭公墓暨配傅魏合葬墓誌銘

適舒氏女學溫擴誌

適左氏女學慎擴誌

誥贈奉政大夫直隸蔚州知州山西黎城九峯靳公

神道碑銘

祭蔣相國虞山夫子文

代祭甘泉令紀公企瞻文

內廷公祭謝封翁仁園先生文

祭戈六弟芥舟文

代大兄

祭伯兄文



告列祖墓文

告父母墓文

魏勤庵哀辭

適舒氏長女學溫哀辭

嘉樹山房文集

卷四目錄

二

謝晉江吳文憲墓哀辭

謝德猷哀辭

告父母墓文

告列祖墓文

嘉樹山房文集

任邱李中簡廉衣著

男學穎粟夫氏授梓

孫助游

曩華

初氏校字

雜文卷四

故莒州知州左公墓誌銘

莒州公喪既歸之明年將以三月十七日營兆於交河縣  
窪東村之新塋遷戈宜人柩祔以葬而三公子鏞錡兩柩  
從焉公遺命也公諱基字永圖姓左氏世居河間後移滄  
州公始寄籍爲州人曾祖諱敬祖順治乙丑會試第一人  
歷官副都御史卒 賜葬祭崇祀鄉賢祖諱印喆江西崇

嘉樹山房文集

卷四

一

仁縣知縣父諱方壽山東高苑樂安二縣知縣以公貴例  
贈奉直大夫山東莒州知州妣張太宜人配戈宜人公少  
從贈公學有根柢年十六補滄州博士弟子員乙酉舉於  
鄉是年贈公因宗伯蔡梁村先生薦試用山東公隨之任  
所贈公宦十年而歸囊無餘資公先志色養贈公忘其貧  
及贈公與太宜人先後逝公營喪葬事畢授徒自給若將  
終身焉公天懷洒落不以世累牽至其讀書講學務求實  
用隱以濟人利物爲志乾隆十六年年四十有八始謁選  
以知縣試用廣西充 恩科鄉試同考官署天河縣凡九  
閱月盜賊屏迹癸酉改署馬平法戢提標兵弁閭閻得無

擾乙亥題補蒼樞值歲祲全活饑民無算已卯調邊西林  
首嚴土官後裔憑餘威虐土人者邊俸報滿攝泗城篆凡  
一年癸未推陞山東莒州知州初下車平鹽價次易里老  
代徵地糧爲滾單法以便民旣而勸脩隄防泆水不害開  
土山陳汪陵陽諸湖溝渠使湖田皆有宣洩其他便宜皆  
有成效以非其大者不錄蓋在莒三年視粵中建樹尤多  
遠近異宜繁簡殊術也而公亦瘁矣公歷官南北所至皆  
以至誠感物不恃威而民自化任馬平時路遇爭水鬪者  
勢洶洶將大公駐車召其首倡反覆開導事得立解其在  
莒州有兄弟爭產構訟公旣准鞫而故遲其期後以他事

嘉樹山房文集

卷四

二

下鄉路經其家乃先使人持諭動以至誠大義皆感泣叩  
首請無復訟卒成友愛其感人以誠多類此方公之調西  
林也地極邊多瘴戈宜人與公四子先後病卒家人幕客  
物故者近三十人聞者皆爲酸鼻公凝然當之公私摒擋  
纖微無誤又以餘閒蒔花竹吟咏浩然未嘗作戚戚狀攝  
篆泗城政舉務閒乃日偕賓客益探竒勝唱酬所得積成  
卷軸在莒州猶時時回念前遊也以戊子三月七日病終  
莒州官署享壽六十有一公偉貌脩髯氣象凝重而對賓  
客言笑藹然性喜施予善下人居官悃悃自致無世俗揣  
摩陋習其訓子也以戒奢安命爲主少喜讀道書已而決

然舍去肆力正學粹如也自寢疾以至易簀神明湛然無一憤懣語子六長元銓壬申科舉人揀選知縣借補臨榆縣訓導次元銓廩生次元錡次元釗庠生次元銓次元鏗元鏗元鏗元鏗俱先公卒孫二人長善洵次善承俱元鏗出孫女四人余識公晚而早與公嗣元銓元鏗善以第三女許字公孫善洵故於公爲諸子行公之葬也長公子先事持狀來乞銘謹按公狀於法應銘銘曰老於學進不苟勞於官歿不朽準報施宜昌後銘幽之文爲公壽

廿六甘泉縣尹企瞻紀公墓誌銘

甲戌秋予客揚州甘泉縣署經紀故知縣事紀公之喪紀

嘉樹山房文集

卷四

三

公予中表兄也予至揚未浹月而公病又旬日而公卒閏十六年庚寅冬其孤淑曾始來乞銘泣而言曰不肖兄弟無狀今乃得謀先人之窆事且念先人居家服官大節可示子孫而式鄉黨者惟尊者能傳之敢以泉壤之交相累也予辭不獲乃按狀而次之公諱晉字企瞻號寬夫行四世爲文安望族公祖孟起公吏科掌印給事中父公選公工科掌印給事中予姑歸焉卽公母也公兄弟六人公第三幼而聰敏年十七補邑庠生力學工詩文顧不屑屑逐時趨以是久困於鄉家素貧自父公選公以邑令行取歷官給諫身歿家無長物又十五年再遭母憂時伯兄官江

南之旌德奔喪後旋以官事未了偕仲兄同之任所家事  
一以委公公摒擋諸務之餘讀書寶樹軒中課諸弟益嚴  
業益精文成往往驚其同學戊午舉於鄉壬戌以明通授  
祁州學正能舉其職祁之士風爲之振六年俸滿遷邑令  
得江南之當塗當塗獄囚當暑冬疫死公抵任首分其罪  
之輕重別禁大吏嘉獎著爲令斷于王兩姓爭產百餘年  
未結之案一邑頌神明焉調桃源辦災賑請開倉不俟報  
牒所全活無算是年

駕幸江南公迎送境上蒙 溫旨宣問出身旣而堵禦六

塘河水明年督捕蝗蝻與民夫兵弁雜作數十日不得息

嘉樹山房文集

卷四

四

歲以無害調甘泉甘泉爲揚城附郭縣水陸之衝浩穰號  
爲難治公下車而商民帖然公過邵伯湖知二閘將壞急  
牒請當道爲先事防或阻之未果已而閘陷隄壞公引咎  
大吏重公先見 題陞江防廳旣格于例不果然終以疎  
防部議落職 恩許赴部引 見大吏奏留任辦賑因查  
下河回署而病遂卒壽五十有二綜公生平宦跡蓋勤於  
民事爲多也自公官祁州學正時真定順德廣平大名四  
郡同災大吏聞有司奉行賑務不善委公勘驗公微服密  
詢至一小村有百餘人卧路啼曰縣冊獨漏我曹公惻然  
周以錢且曰我行路人與汝官有舊當爲汝告補登之未

至縣其官廉得之要至館舍叩首請罪獻白金三百公笑  
曰君畏罪耶子民饑餓至此而君留此餘貲營辦免罪此  
自速罪也如能以此捐給某村饑民某當更以捐賑高義  
聞於上其官感激應命而退終不罪一官而民獲實惠焉  
公初以祖父皆成進士然後登仕志不欲速化故其在學  
官也上游有問或非事闕學校輒不對然諸大吏知公才  
漸委以民事既不獲已常語兒子曰我之就此無以紹祖  
武汝曹念之他日無汲汲一命爲也天性篤於兄弟遷當  
塗之歲伯兄歿攜其遺孤與副室金氏之任視孤如已出  
公歿後十年獲登鄉薦云著有寶樹軒詩二卷制義二卷  
嘉樹山房文集

卷四

五

元配佟孀人繼配李孀人子二人長發曾壬申副榜次淑  
曾癸酉舉人現任湖北天門縣知縣  
題陞沔陽州知州  
女二人孫男三人孫女二人銘曰

縉紳之門世載其文清白之澤世載其德黃門孫子青衿  
鵲起旣起而稽屈伸有時神學六載強仕一命越俎不知  
孰云其競三宰江縣民事云勞不辭蹇蹇以蘇嗷嗷湖堤  
漫波或議其後曲突無功爛額爲咎吏文批根

皇恩棄瑕志用未竟隕世而何

叶

家軒寶樹蘭玉滿庭勉

繩祖武尙有典型丈夫出處卓犖可紀我勒幽砥永啟來

裔



中憲大夫貴州平越府知府廉夫孟公墓誌銘

予因伯兄得交於河東孟侯玉符知尊大人廉夫先生者學篤行古君子也先生居林下久自公子通籍後未嘗來京師顧屢貽書戒以勤慎供職勿亟謀歸養時玉符與予伯兄同官工部常從容言之辛卯六月玉符聞訃京師遣人來告哀且以狀乞銘初予隨伯兄過玉符觀先生所臨稷帖愛而跋其後伯兄曰弟之於廉夫先生嚮往有素矣今茲泉壤之文殆不可辭予不獲已則謹按狀次之公諱周衍字廉夫號某世爲山西太谷人曾祖諱某祖諱知性元配李氏繼配呂氏父諱嚴字某元配郭氏繼配王氏實生公祖父母父母皆以公貴公十歲而孤弟寶臣生而孤公仰體母太恭人心撫愛備至至於成立又不幸中壽以歿遺孤五人公愛之過於所生以是孝友之名動鄉里矣公承先人志創置義田義學以贍宗族之貧者造其後秀皆有法可經久雍正七年以同知監督倉場八年引

見蒙

世宗憲皇帝嘉賞謂原品不足盡其才

特授長蘆鹽運副使懇辭不許莅任後益奮勉圖報輦詣

弊政商民感焉歲滿應遷

特旨留任乾隆四年陞授貴州學越府知府甫下車革雜  
魚兩漏規立親催籤清累年積案慎折獄興文教德  
政之碑立焉六年引疾歸家居三十餘年足不入公  
門而邑中公舉闕風化裨民生者每事爲之倡及事  
成澹然未嘗自以爲功也公少刻苦力學老而不倦  
於書尤得古人不傳之秘所臨蘭亭敘及宋元諸家  
名蹟皆已上石識者韙之治家以儉約至於任郵族  
黨及爲子姪延名師傅不惜重費性恬進取而當官  
務竭忠盡職其教諸子亦然爲善不近名名亦歸之

嘉樹山房文集

卷四

七

至今天津鹽關渡口橋名孟公者公官運副時所倡  
脩也他行誼多不具載載其大者公生於康熙三十  
三年十二月一日卒于乾隆三十六年五月十九日  
享壽七十有八例封朝議大夫以子貴晉封中憲大  
夫配胡氏朔州教諭諱某公女

誥封太恭人子三長瀛前兵部郎中湖北宜昌府知府娶  
溫氏次滸工部郎中卽玉符也娶田氏次淦貢生娶  
溫氏女二皆適士族孫男四熊占熊飛熊夢會  
孫男二栢歲松年以年月日葬於大谷城東楊家莊  
之西北原銘曰

孰能其官而勇於退孰儉爲德而施之沛孰今人居  
而古人對臨川筆精淳意與會召棠風清王槐蔭大  
餘慶之鍾報施罔昧佳城鬱鬱藏魄永泰銘無愧辭  
典型斯在

舒室李氏女名學悰墓誌銘

女名學悰字幼芳小名慧董余第五女也伯兄嫂一女嫁  
而早卒以余多女嗣焉余親教三女讀書二稚轉從姊受  
學女最幼裁畧識字學把筆而已余長女學溫許字同邑  
拔貢生前任香河縣教諭舒子其紱旣而尊甫觀察又爲  
少子其綱求女伯兄謂余姊妹而妯娌便於撫訓許之長  
女歸舒九年丁酉正月其綱來京親迎婚有日矣遇  
國恤遵例中止及成禮時則其姊亡已半載矣又三閱月

嘉樹山房文集

卷四

八

女亦卒何其遽也悲夫女性沉靜在室時終日不聞笑語  
聲人皆稱其溫克婦於舒僅百日歸寧者一入門時哭謂  
余夫婦曰兒恨不見伯姊也初余長女生余妻恐其不育  
使與義姊齒行九及女生又苦其多俗云女至七則更生  
男故目以七冀以是厭之嗚呼可謂惑也已女卒於乾隆  
四十二年十一月十九日距生於乾隆二十三年五月十  
一日得年十九停柩踰年其綱入邑庠出嗣季父續婚於  
田氏又踰年續室田舉一子女於是有子矣十二月六日

將隨本生舅姑與其姊之殯葬城東石村舊塋之次其綱  
先期來請銘銘曰

生世苦短死則無窮魂兮有知汝姊其逢

呂子才暨配周合葬墓誌銘

乾隆四十有五年歲在庚子景州呂生克著爲其父子才  
先生謀葬事先期持余門人魏生汝琬書以狀來乞銘蓋  
呂魏世交又二生先後受業於萊陽解元左孝感穎發孝  
感余丙子所取士也館於呂尤久子才先生之父攻石公  
之葬孝感旣已銘之矣孝感旣沒而克著又舉厥考大事  
是以乞銘於余猶不忘孝感意也余素稔呂父子爲人又

嘉樹山房文集

卷四

九

重孝感交誼不可以辭爰按狀次之先生諱載渭字子才  
曾祖諱德字某祖諱尊周字某父諱某字攻石世爲景州  
景城北七里莊人敦善力行以昌其家攻石公伯兄始入  
武庠攻石公繼之中年憬然有思棄科舉治家惟以儒術  
成就後來爲務舉丈夫子一人卽子才先生也性孝謹銳  
於學年二十三補州弟子員明年食餼乙卯鄉闈薦而不  
售後以侍親疾絕意進取嚴訓諸子旁及族黨一如父攻  
石公時好義施與無倦而避權勢若免宗黨稱焉自攻石  
公篤於交誼尤重館師先生謹率其教同州唐希文宿儒  
有學行先生延之於家二十餘年孝感解元繼之又十餘

年諸子於師懇懇皆有父子情假館者久而自忘其客也丙申之秋余閒居京師因爲先人相兆域以書招孝感來是時孝感猶館於先生談次因歷敘其家世及生平行誼甚悉余爲太息今以狀徵之益信先生生於康熙四十三年四月十九日卒於乾隆四十一年十一月二十七日壽七十有三配周孺人有婦德母儀先公十七年卒得年五十有八子四人長元著附貢生次克著廩膳生三充著太學生四允著太學生孫男 人曾孫男 人餘詳攻石公墓誌孝感解元所撰者不重載以某年月日合窆於某祖塋之次銘曰

嘉樹山房文集

卷四

十

儒業肇興美始基世載忠敬能得師館粲還授衣改爲服勤至死心喪隨洞酌浥彼還注茲君子有穀篤所貽必大有兆鑿龜佳城永固貞珉垂後來無窮視此辭

江西督糧道南皮兼山張公墓誌銘

張觀察兼山公旣歿孤子泮城持狀來乞銘泮城余第四女夫也公初以致仕官祝

釐入都與余相識於邸舍時公年七十一家居已二十餘年矣旣聯姻好顧相隔五六百里惟書札歲數往還竟不復覩面公之生平故未甚悉也茲據狀而謹次之公諱受長字英軍號兼山姓張氏封公諱桂之季子也世爲天津

府南皮人三世祖諱璿明兩淮鹽運司副使六世祖諱諡  
字安軒前丙午丁未聯捷進士歷任陝西按察司副使二  
祖皆崇祀鄉賢公幼穎異至性過人家貧奮心績學銳進  
取爲祿養計年二十七成進士揀發河南知林縣事有異  
政林氓感之爲建生祠調商邱再調首邑祥符治如林而  
事加繁公才亦日益著陞陳州府知府甫三月調首郡開  
封三年陞授河北兵備道二年以父憂回籍起江西驛鹽  
道調督糧道再丁內艱服闋以病遂不復出公之在開封  
也廉勤爲諸郡冠尤單心刑獄鄭州郭貢生妻以輪姦告  
八人法皆當死公疑其供詞反覆勘之實誣也白於制府  
嘉樹山房文集

卷四

十一

王公盡釋之旣而撫軍富公動于浮言拘八人者力勘盡  
伏復入二人公爭之三日不得因請解官臬司隋公察公  
賢密 奏之

欽差至猶議入其半公執不可於是官保孫公奉  
旨覆勘案始定卒如公言而撫軍竟以此罷官去當是時  
公賢聲動中外前撫軍某公來公初謁之進以學每談益  
深公憬然有悟以在官未敢就弟子列然心嚮往之及家  
居遂執費焉其分守河北防秋汎渡河暴風仆檣舟幾覆  
公巖坐不動旣出險人或比以謝公安石公輒援某公返  
權遇風詩云浪花高拍岸風力猛吹檣我靜終如鏡舟平

始似牀自歎未能可以窺其得力矣某公內選少宰守制  
家居公時亦以憂歸再寓書問喪祭禮及聞訃哭寢宿外  
再省其孤於墓廬取儀禮探本未成編歸爲之卒業又爲  
長子百城訂姻公年未五十而引身蚤絕名譽交獨於某  
公殷殷存効如此公素潛心於朱子儀禮經傳通解一書  
駁正注疏二千餘條而未嘗付梓嘗曰湯文正有言學當  
日新今之所是安知後日不以爲非吾未敢信也成者獨  
儀禮探本一書家園名素圃公所闢也短垣矮屋蕪穢不  
除公投老其中三十餘年不問外事篤于宗族戚友厚意  
使人不忘丙申春余罷官養痾京師余女歸寧公首寄書

喻以古人處退之道嗚呼余識公晚公其余師乎公爲安  
軒公裔孫考其科名官階年壽無不脗合斯已奇矣若夫  
名德褒崇則俟久而論定云公卒于乾隆四十四年五月  
十一日距生于康熙四十年 月 日壽七十有九雍  
正丙午丁未聯捷進士歷任江西督糧道元配李恭人某  
官某縣某人女早卒繼配蘇恭人某官某縣某人女子三  
長百城貢生娶壬申恩科簡選部郎歷任甘肅布政使以  
大理寺卿致仕某公女繼娶候選州同深州趙名德盛女  
次江城邑庠生娶原任湖北武漢黃道德州盧名謙女俱  
先卒次汴城邑庠生娶原任河南汝州府通判東光馬名

澤淋女繼娶戊辰科進士原任翰林院侍講學士任耶李  
名中簡女女皆適士族孫男四百城出者二汴城出者二  
俱幼以乾隆四十五年某月某日葬於某村某原先塋之  
次元配李恭人耐焉銘曰  
星連鉅姓土著名門世有隱德亦有顯人淮上振聲關西  
繩武奕奕簪纓煌煌樽俎藝苑述作人有成編琅玕世業  
何多讓焉公偉繼聲早見頭角國香出林天球離璞

大廷對策筮仕中州三宰劇邑目無全牛賢守守官毅不  
可奪拯理沈寃十命再活分符防汛履險如夷斂才嚮道  
能自得師愛日信長終天不貸強仕之年已成勇退故園  
嘉樹山房文集 卷四 三  
杖履卅載優游匪家食甘維素志求遺愛在人成勞在  
國矧乃維桑景行者德蒼蒼松檟鬱鬱川原元堂永固利  
其後昆

文林郎陝西武功縣知縣劉公方咨墓誌銘

公姓劉氏諱吉本諱垚字方咨號讓庵別號雪厓世爲天  
津南皮人祖諱榛配黃丈夫子六人公考第四諱發配黃  
祖父母父母皆以公貴公下有三弟壻仕志志成進士先  
卒公爲封公冢子乾隆戊辰進士歷任江南霍邱陝西武  
功知縣引疾歸又十二年而歿余與公鄉會同榜居鄰郡  
顧未稔其生平庚子夏其孤啟祥走數百里來京請予稽



額求所以永諸幽者且以余女夫張汴城書爲之先余反覆其狀而嘆曰嗟乎公於法應銘其宦跡行誼載之家乘可矣公純孝人也公自孩提至宦成一舉足而不敢忘父母兩之官皆聚百里之歡心以迎養惟日不足其在武功封公老思歸公亦解官歸遂絕意仕進日夜謀所以娛親者稚累之事必親之身猶孺子也季弟先歿公惟恐傷封公心百計排釋多聚親友談笑夜則口唱鼓詞佐酒至夜分不寐數年如一日啟祥狀云古有以善居喪爲孝者縱竭誠盡愼而親不逮孝之餘事耳公之過人尤在善侍親疾同邑觀察兼山張公素敬公爲人以女妻其子故汴城

爲啟祥妻弟能言其詳公侍封公疾不解帶封公數患哮喘穢其痰涎公恒以袖承密吞之使不見痕此其一節耳自戊子至庚寅三年之間封公病無苦宗黨見聞以爲固然忘其爲在籍之官人也汴城書云嗚乎是可銘也已公卒於乾隆四十四年己亥六月八日距生於康熙五十四年乙未十月五日壽六十有五由廩生中式乾隆甲子舉人戊辰進士初任江南霍邱縣知縣呈誤解任復起試用陝西護潼關撫民廳篆題授武功縣知縣加三級例授文林郎配湯孺人男一啟祥廩膳生娶同邑張氏再娶鹽山韓氏孫男一有邵聘同邑張氏公後封公九年而歿是年

母黃太宜人亦歿以某月某日隨母氏太宜人葬於某原  
銘曰

嗚乎孝子謂古孰與偕兮余其徵諸史謂今孰與倫兮余  
其詢諸里巍科膺仕兮匪以爲身榮厚誼高行兮匪以爲  
觀美嗚呼孝子余銘斯人余額有泚

封翁郭申甫暨配何合葬墓誌銘

嗚呼積善之報於其子孫未或爽也顧或及身見之與不  
及身見之則有間矣其久近侈約要可無論予未識封君  
申甫郭公獨識其令嗣彤綸彤綸家世寒微一旦登賢書  
司教職擢縣令有廉能聲美矣其由無極教諭升河南新

嘉樹山房文集

卷四

五

蔡縣知縣爲家門鼎盛時申甫公猶及見之數月而申甫  
公下世葬於祖塋之東彤綸服除補山東寧陽縣知縣八  
年以病回籍遷葬申甫公於邨東南之新塋歲餘彤綸卒  
未久母何孺人亦下世彤綸弟擁偕其孫承重孫向閑祔  
葬何孺人於新塋彤綸從焉向閑持兩世行狀走京師乞  
余銘余惟彤綸名位不爲大顯申甫公享祿養之榮不爲  
久獨其由單微而華膺實以子貴而克及身見之可以勸  
天下爲人父者積累餘慶之效是足以銘矣公諱鍾岳字  
申甫姓郭氏武庠生配何孺人世居阜城祖諱某父諱某  
字某增廣生子三申甫公其長

勅封文林郎配何封孺人公雖入武庠不以血氣用事爲人方嚴善治家訓子卒於乾隆二十七年某月某日距生於康熙某年某月某日壽六十有一何孺人卒於乾隆四十五年某月某日距生於康熙某年某月某日壽八十子三長撰卽彤綸丁卯舉人山東寧陽縣知縣娶傅氏繼娶魏氏次擁附貢生娶張氏繼娶曹氏戈氏女二某某孫男六撰出者二長承重向閑次某銘曰食子報貴身及積善之家宜努力

故寧陽縣知縣彤綸郭公暨配傅魏合葬墓誌銘

公諱撰字彤綸阜城人考諱鍾岳字申甫母何孺人申甫

嘉樹山房文集 卷四 七

公二子彤綸其長以廩生中式乾隆丁卯科舉人壬午由無極縣教諭陞河南新蔡縣知縣丁外艱回籍葬申甫公丁亥服除補山東寧陽縣知縣八年政聲甚著乙未告病回籍戊戌正月二日下世時乾隆四十四年也距生於雍正二年八月十一日壽五十有六元配傅孺人卒於乾隆二十八年六月五日年四十有三繼配魏孺人卒於乾隆三十二年十一月六日年二十有七子二長向閑次向澗孫男一濠餘具詳封翁申甫公誌銘中彤綸自寧陽歸遷葬申甫公於新塋及配傅魏兩孺人逾年彤綸歿又逾年母孺人亦下世其孫向閑承重偕叔父擁舉大事以某年

某月某日耐祖母於新塋彤綸從焉余初稔彤綸名而未嘗謀面辛卯視學山東彤綸執有司禮來謁體狀豐悅以同鄉人談甚浹三年中巡視克屬往來必過寧陽知彤綸能於其官及聞以病歸余方惜不盡其才而遽奪之速若是銘曰

偉丈夫也而止於斯修短之數不可知幽扁永固昌來茲  
適舒氏女學溫璜志

女名學溫字蘭貞小名紺珠行一少時吾妻恐其不育使與義姊齒故行九己丑三月二十四日適同邑拔貢生候補香河教諭舒子行九其紱爲繼室年二十一凡九年丁

嘉樹山房文集

卷四

七

酉三月七日病卒京師距生於乾隆己巳六月二十五日得年二十有九初余教諸女識字女長尤慧讀論語國風列女傳女誡諸書能通其大意爲詩文婉約成體尤好小詞余素不喜詞以其才所近又所作往往不戾風雅故勿禁也友有至性念無胞兄弟故教諸妹如兄於余身家事無所不竭力其婦於舒也姑舅相繼歿事本生姑和諸小姑妯娌有賢聲初隨壻來京從余學久之歸一再省余於山左學署余卜居邑中女助其壻爲余買田起屋經營歲餘事乃集余性卞急每怒甚女徐一言以解爲余訓撫妾張氏欵欵周至聞者爲感泣女稟氣弱自知不壽數勸壻

置媵婿勿許嘗夢遊野外荒僻地忽得句云三年草樹認  
孤墳覺而惡之丙申春重偕婿來京相依買宅沙土園去  
余居二里許知余妾張有娠喜溢顏色朝夕爲調治藥餌  
旣余舉子又殤女深痛之謂婿曰聞釋氏說再來人信然  
吾願得早死重爲吾父兒矣至是竟死夢如三年之數所  
爲麗景樓詩一卷香雲書屋詩一卷詩餘一卷宜家瑣語  
一篇藏於家子石麟生甫七月女以旅寓夫家無他眷屬  
歿之夕適左氏第三妹實親含殮之月之二十一日柩旋  
邑第其婿將卜吉合元配張氏葬於城東石村祖塋之次  
張於姊妹行亦第九異哉銘曰

嘉樹山房文集

卷四

五

命也夫其又奚咎他年兒成能慕母

適左氏女學慎壙誌

余生五女皆成立爲人婦丙申余年五十有六一歲中長  
幼皆夭余銘之今年六十又銘第三女諸子女下殤弗論  
也老病生意無籍可知已女名學慎字似漪小名良童行  
三余親教三女學女於兩姊差少所業能肩隨之今所遺  
麗景樓詩二卷小札七文理粗就可觀也貌端重性質直  
女工整緝見者皆以爲宜有後福者然竟不驗余舊善滄  
州左仲諧余視學滇中仲諧京兆試方被黜僭之行時女  
八九歲余知仲諧有長子善洵同歲生議爲婚姻時仲諧

尊甫永圖先生官粵西仲諧以未稟命爲辭未幾仲諧聞  
母喪奔父任所遂以疾卒余馳書弔之且理前說先生復  
書亟稱古道遂訂姻焉又十年余視學山左善洵就婚先  
是永圖先生已下世左氏中落善洵就學于余遂與女依  
余居九年余爲善洵納糶爲國子生治舉業女以余無子  
手寫金剛經十餘通晝夜誦之爲余祈而余舉子又殤女  
深痛之女有子如如生五年亦以痘殤先女卒三十日耳  
初女雖隨婿依余不以爲樂歲時間關數百里省其孀姑  
病中延來相守數月乃去病旣革猶切切以不能見姑爲  
恨女病閱三載百方療之弗愈瀕危者數矣今年其叔公  
季穎叔某鄉試來京女猶及見之問訊周摯越三日而殤  
豈其誠結於中能忍死以相待耶女卒於乾隆四十五年  
七月二十三日距生於乾隆十八年月日得年二十有七  
無子一女宜孫方七歲八月之杪將於漕河附舟南旋葬  
日未卜余囑善洵居期爲刻石而納諸壙銘曰

汝讀金剛習其辭未識其旨露電夢泡如是如是

余

無子

歿永 斬封翁九峰先生暨配盛孺人合葬墓表

後典文

予與山西黎城靳君介人同舉戊辰進士介人未用

先歸故未得深悉其家世又九年丙子介人謁選來

京聯同譜詎始知其尊大人九峰先生名德於時先

生沒四年矣繼配盛孺人在堂介人母也介人初選得廣東瓊山以母老呈請吏部代奏得

旨改授河南之新蔡孺人就養焉又三年丁母憂又三年既合葬服除癸未冬候補來京始攜其先人九峰先生暨配盛孺人之

制勅及諸鉅公才子爲先生傳誌哀輓之作曰有徵集者并母孺人行述葬記而請表於予予惟墓表之體與誌銘異銘詳爵里姓氏揆系本末藏諸幽而已若夫表則貴撮取生平行誼犖犖大者大書深刻揭諸阡隴俾族黨四方縉紳之士皆得過而觀之用資撰述

嘉樹山房文集

卷四

三

故雖孝子慈孫不敢虛美於其親而爲之作者必求無愧詞於後今介人欲表其先不別錄狀貽予而祇哀諸鉅公才子傳誌哀輓之章俾予詮次介人誠有見於斯耶按誌先生諱尙端字正夫號九峰山西黎城人父庠生綺先生生十六歲而孤哀毀過禮又恐傷寡母心輒彊自奮鄉里稱其孝服闋補庠生是時先生年十九讀書嵐山鳳皇山蕭寺中深自刻苦試輒冠軍先生居心仁厚常耻爲自了漢故身爲布衣事事必求有濟於物而先生元配溫孺人早喪繼配盛孺人來歸孺人賢明凡先生有義舉恒佐成之嘗

辛丑壬寅間山右屢荒邑中饑民抄掠求食先生倡  
議勸賑又自捐貲施粥全活甚衆其實家無甌石儲  
也村有惡少行私販先生貸之金勸改業歲餘復蹈  
之爲邏者得其人語之曰罪無所恨乞勿令斬君知  
後得釋卒爲良民先生之盛德感人皆類此甲辰舉  
於鄉已酉充陝西鄉試同考官

世宗憲皇帝詔舉賢良方正之士有司旣以先生應先生歸

白母而視母高年微有難色卽詣縣辭甚苦縣令爲  
感動遣急足追還牒文事乃止先生性旣篤孝盛孺  
人尤先意承志不以貧賤戚戚是以先生處約奉親

嘉樹山房文集

卷四

三

無幾微願外意丁母憂毀瘠成疾庚午赴都部選浙  
江之浦江縣旣而改授教職得忻州學任未赴任而  
卒傳稱先生自舉孝廉後試禮闈得而復失者再先  
生恬然不以介意常曰人品不盡繫文章文章不盡  
繫帖括帖括不盡繫科第搆小園雜蒔花藥風朝月  
夕吟咏自得孺人淪茗佐讀如此者垂二十年旣舉  
丈夫子介人不肯爲煦煦愛稍長卽使就傳及成進  
士提命如初學以予所次誌傳及介人所述若此他  
語詳不具錄介人氣和以莊其言恂恂如不出諸其  
口其治新蔡也有聲與之相對終日不知其能也故



凡不知先生與孺人之德視吾介人可矣是洵有徵  
矣介人初以母老改補服除例候元闕引 見後  
特恩免其坐補嗚呼

聖天子孝治之思與介人至性之感昭合若此他日史乘  
采風考諸鉅公才子之誌傳哀挽而并及余文其不  
以爲無稽也夫

誥贈奉政大夫直隸蔚州知州山西黎城九峯靳公

神道碑銘

公諱尙端字正夫號九峯姓靳氏世居山右其先自洪洞  
之臯陶村遷黎城遂家焉曾祖諱文魁不克永年配張孺

嘉樹山房文集

卷四

三

人節極奇事載郡乘崇祀縣祠祖歲薦公諱于義子三長  
諱繡庠生早世配喬孺人亦以節顯季諱練邑增生仲諱  
倚邑學生卽公父也兩事繼母以孝聞初娶韓孺人無子  
繼娶周孺人實生公公年十六而孤旣畢葬猶日號墓所  
見者泣下曰此斬孝子之孤子也家貧事寡母思以功名  
爲顯揚地讀書鳳凰山嵐山之蕭寺中試輒冠軍甲辰登  
賢書公名旣顯而事母孺人素謹順無敢自專會有司遵  
詔令得舉賢良之士備揀發邑令以公應公牒行一日矣  
公聞之趨白母而微窺母有傷離色卽詣縣固辭遣急足  
追牒還乃止公志行卓犖常思有濟于物慨然慕宋范文

正公之爲人有亭顏曰後樂邑屢荒祲饑民覬覦富室公慮里人亦囂顧家無甌石儲卽鬻衣物糴米豆三石倡議捐賑又分粟散粥里民賴以安業邑北五十畝村有某姓者好菑博利私販公與之貲勸改業旣復迹前非邇者捕之其人泣謂曰罪無所辭恨重負我靳君後得釋卒爲良民公初以名孝廉聘充陝西鄉試同考官得士六人平居講學誘後進如不及癸丑丁巳再薦禮闈不售無幾微怨尤色謁選得浙之浦江以病改授忻州學正未赴任而歿有子榮藩戊辰進士公常誡之曰人品不盡文藝文藝不盡帖括帖括不盡科名汝曹當見其大又曰吾生平得力

嘉樹山房文集

卷四

三

只在一和字岸異嶄絕之行究無補於世教也嗚呼味公言可想見公之爲人矣公子成進士四年而公歿德配盛孺人在堂又五年公子謁選得某縣以母老請改河南之新蔡迎養焉先意承志一如公之事母孺人丁內艱服除例候原闕

特恩免其坐補由永平之龍門令陞宣化之蔚州知州恭遇

軍恩公與孺人贈如其官予惟天道報施有恒孝子之後常生孝子又厚積其醇淑之氣蒸爲光華簪纓闕閭往往而由之靳氏之以孝聞者三世矣公子實大其家公子與

余爲同年友以余悉其家世甲申之歲索爲文以表公墓  
旣又以爲未足也按令甲官五品以上得立碑於隧重以  
書與狀來請爲神道之文余不獲辭銘曰  
純德承家善門餘慶響應影隨實惟前定猗歟先生風卓  
望令哀樂過人出於至性名位不酬高文篤行克家詰嗣  
致身丁年飫聆先訓奉以周旋惠愷在人萬祿自天賢侯  
良牧嘉績流傳朱紱方來袞袞綿綿松栢茂衛穹碑翼然  
我銘無愧以俟後賢

祭蔣相國虞山夫子文

嘉樹山房文集

卷四

七

爲蒼生之霖雨樹人倫之典型故其考祥嚮福履順膺榮  
天引之年神祚之齡誌明良之竒遇符上瑞于休明所以  
承帝眷之寵渥而下以衍慶于家庭維老夫子大人黃閣  
家聲宗臣世德佩玉環之粹精衍槐庭之風澤踐台鼎于  
中身脩扶陽之舊職當其感同風雲合若符契沛膏雨以  
遠沈沈和風之廣被翊景運于  
皇朝冠功宗於載記以故班聯殊絕  
恩遇優隆  
大官醪膳中使黃封東壁之圖書清鑑

西園之扈從雍容麟角鳳毛聯翩鵲起或讀秘笈于嫺媛  
或領邊城于南紀或收名州于江濤或掇雲香于桂子鸞

停鴛峙克厥家瑤環瑜珥蘭其芽舞斑衣于四代燦畫錦  
之光華沸絲竹于後堂籠如烟之碧紗雜沓東閣之門士  
駢闐四姓之軒車

賜第曠輿雲水渺然夫子退食杖履如仙觸江鄉之風物  
時眺首而遷延凡我同袍追隨之下私相告語謂盛德全  
福如我夫子者求之往古固難得而比肩孰謂梁木哲人  
遂成奄忽使人若信若夢于暫遊之萬里而小別竟已千  
年嗚呼痛哉側聞老夫子大人撤瑟之日  
清問頻仍暨乎屬纊之晨  
恩施懿茂

嘉樹山房文集

卷四

五

賜筵已逮乎北號

天淚尚霑乎東首皆曠古之遭逢歷千年而罕覩信或重  
于泰山亦何憾乎中壽所可悲者天子以碩德令名千祿  
百福而不獲比於古之黃髮小臣早騎箕而列宿嗚呼痛  
哉在昔函丈十載追隨小艸依喬弱羽巢枝愧參朮之無  
似愴哭寢之重睽忍逢賢嗣呼搶天涯忽焉仰斗山而眼  
冷瞻薤露以魂悽若夫舊勞格

天功德在人所爲考三不朽之大業於旂常  
國乘者又非匹士之所得懷私嗚呼痛哉尚饗

代祭甘泉令紀公企瞻文

嗚呼人代相乘賢豪同歎嗟已飄零歎難把玩遺神智於  
壑舟委勳名於溝斷梅開東閣空吟何遜之詩路指西州  
誰是羊曇之伴誦平原歎逝之賦月冷空庭檢子山思舊  
之銘塵封素案十年報

國勞薪局促以何成半載同袍噩夢淒涼而易散惟公高  
陽世胄天水華昆簪纓濟濟袍笏恍恍梧掖晨趨貽謀補  
闕瑣闈夕拜濟美黃門繩武傳經代荷  
龍光之寵趨庭授簡世承燕喜之恩則有三鳳齊鳴八龍  
方駕增易水之波瀾重燕山之聲價茁蘭芽于階砌元季  
肩齊森玉樹于門闈隨騶名亞雖復廿年蘄屈璇源之榮

嘉樹山房文集

卷四

七

彩常輝而一舉鸞騫天路之扶搖自迂方其五經授業四  
院典賢槐市春風百花嶼裏杏壇化雨清苑河邊恤蔀屋  
之鰥惇身如守牧散太倉之紅朽勞代方連於是長材聿  
著嘉績咸登三考論功有民有社六條課最廉善廉能橫  
槩姑孰之封長日之嘯歌多暇飛鳥淮河之滙歷年之艱  
鉅重膺始轉流亡旋安蕩析滅六塘之巨浸雞犬無驚修  
八蜡之精禋螽蟊不賊定巢肅羽歌豫遊而共觀

天顏伏野蒸髦拜楹廡而咸霑闔澤而乃卑栖未舉劇地  
頻遷額明月之二分扶疎棠蔭振清風之兩袖斟酌甘泉  
赤牒宵移縣妖破膽銅符朝拜衙鼓聞天此則三品名區

共識嚴能之宰一階陳迹未酬簡惠之賢者也若夫瓜汎  
朝騰蘆葦夜障石巖重堅鐵龍益壯聽暫黔之誦勤勞都  
入歌謠共秦越之舟點染終無滌盪迨至家修祈佛之齋  
願留明府戶有籲天之請乞借神君三月攀轅仍厘下河  
之利一朝徹瑟遂臻屬續之辰聆楚些以驚心有情曷已  
賡虞歌而灑淚天道寧論某等金石盟心星霜共事類三  
遷之黃霸敢廁賢良愧下考之陽城空勞撫字方謂長資  
毗贊公餘訪五事之條共效馳驅小滿附三周之例詎意  
潁川四長一旦蘭摧蒲邑三稱無端玉碎蠶成渤海永懷  
頁佐而魂傷瓜熟楚亭長憶高風而心醉嗚呼玉棺降鄴  
嘉樹山房文集 卷四 三

塵榻悲歐江月霏微清魂孤照淮渠鳴咽惠蹟長留三年  
中散之廬摧藏雙鶴萬里羅池之榭慘淡孤舟瑟瑟總惟  
聞風入夜飛飛丹旄零雨迎秋寶劍酬徐敢忘臨岐之語  
生芻弔郭躉申同氣之求他年宿草重過會踐斗酒隻雞  
之約此日江干一挽誰非素車白馬之儔嗚呼哀哉尙饗

內廷公祭謝封翁仁園先生文

內閣學士金圃尊甫

嗚呼星隕少微人悲耆舊名德有徵愁遺難邁莊叟有言  
若馳若驟逝川莫回萬古先後景彼典型式茲堂構俛仰  
成陳怒焉心疚維公高蹈本邱壑入方來之吉在哲嗣身  
公之行義自遠而知挹溯流風慨焉永思公少篤學道該

博約擁萬卷藏輕百城樂擺棄町畦翺翔寥廓一卧東山  
如何不作公昔傳業鬱鬱青箱瓊枝翼翼亦有諸郎叔氏  
秀先仲氏鴈行偉節三虎白眉五常國寶簡簡家慶洋  
洋陟岵幾日望雲徒傷公於天機藹如春及公于世緣泊  
如禪寂一賦望廬遂虛佐績豈無錢刀閒情誰覓花竹一  
庭金絲四壁有昏叩門蹶若拯溺從欲實難爲善則力我  
思懿德惻焉心盡昔慕香山今傳長水九老比肩公位第  
幾幾處林泉幾年伏臘圖寫幾人風流幾葉凡茲隱德哲  
嗣之云哲嗣英英天闕飛文薇閣高步槐廷舊芬永懷  
他日飭訪異聞憶在酉秋嗣咏皇華八閩回節入門拜嘉

嘉樹山房文集

卷四

七

十日春酒闌里懽譁公時開顏餐飯有加滕上文度錦服  
蒸霞人言食報餘慶之家又言高人心游物表養福山中  
如公難老詎驚起起歲在龍蛇榮哀咸備委順奚嗟痛與  
哲嗣接跡金門不慚形影樂數昏昕有名父子有難弟昆  
塵袂一把星程載奔魂悽越水目斷燕雲恨不登堂以伸  
紀羣薄物具臚哀辭難罄髣髴靈旌來歆來聽尙饗

祭戈六兄芥舟文

代

大兄

嗚呼芥舟而止於斯耶才足以大其業而若或局之遇足  
以展其才而忽焉限之文章關千古而報以中身氣誼在  
鄉邦而蹇于道路芥舟不自悲而知者悲之予尤悲芥舟

已與其不傳者死雖深知之而恨不能傳之也芥舟與予  
季弟廉衣之交蓋三十六年於茲矣記雍正壬子歲同補  
邑庠廉衣年甫十二芥舟長廉衣四歲稟兩家大人嚴命  
與戈六弟東長楊二弟統萬四人爲昆弟交廉衣最少方  
童騃芥舟儼然弟畜之有所指授廉衣必悚然聽予以是  
心異芥舟顧亦未深知之也又四年芥舟登賢書又十五  
年始成進士以翰林世其家而廉衣先芥舟三年入翰林  
知交漸廣獨心向芥舟如少時蹤迹日益密學問之切劘  
日益多凡芥舟文章行誼之的然可傳者予固未及知之  
廉衣早爲余言之及余補國子丞來京則與廉衣同居是

嘉樹山房文集

卷四

五

時始得交芥舟芥舟之於予厚矣芥舟以親廉衣者親予  
以愛廉衣者敬予余亦以親愛廉衣者愛敬芥舟因芥舟  
並交諸弟方舟虛舟仙舟賢嗣式之又得交芥舟一二執  
友方是時芥舟文章行誼之的然可傳者不徒余知之廉  
衣知之凡同志之人皆知之乃其識見之高明精神之凝  
湛志氣之深平德性之堅定又非文章行誼之所能盡者  
余益喜心知之廉衣又數爲予言之廉衣言之而不欲盡  
之也芥舟以名翰林改御史數上封事稱

上意宣力有加用越資遷給諫未久轉掌印今歲以副考



特旨改正回次丹徒以病留弟署撫臣奏未入而勘驗城  
工之

命又下

帝眷殊異若此使芥舟更假數年成就宜未可量顧予常  
過芥舟凡官私之事戚友之謀類皆旋至立辦而又以其  
間讀書著述疊疊自課數年如一日雖草布下士或遜其  
勤嗚呼此非其中歆然有大過人者耶芥舟志慮深遠居  
暇時如有所不樂人莫窺其際也仙舟謂廉衣曰六兄奉  
闕使喜動顏色謂可便道與七兄聚也臨行忽與家人作  
別語若預知其不返者嗚呼孰謂芥舟而竟止于斯耶芥

嘉樹山房文集

卷四

三

舟少爲繩武孫爲克家子長爲哲兄爲賢父出門爲誼友  
致身爲名臣詩古文書法足自成家孝著族譜功存邑乘  
人孰不死如芥舟者可以無憾獨念芥舟生平超曠絕俗  
之致蒼涼遙集之情汎乎如不繫舟偶然如遠行客其不  
暱妻子而死兄弟之手不終老牖下而委蛻于江天雲樹  
之間使人眼冷魂傷而不自已其去來感所自爲耶抑縱  
浪大化安排而不自主耶予與廉衣又何足以深知之也  
嗚呼痛哉系曰斷金中道棄我逝些夜半負舟竟安置些  
簡命方中大限暨些終天急難就昆弟些江楓冥冥山巖  
翳些魂招不來吟情寄些總帷虛位愴親懿些嘉姻乖隔

死生避些服總哭寢嗟予季些師友之間甄古義些謹諉  
作傳千秋事些九京可作庶無愧些隻雞尊酒灑生淚些  
歲寒同心講世些些

### 祭伯兄文

乾隆四十四年十二月二十四日丙子伯兄病卒京邸既

畢殮季弟

中簡

謹以家饌常品率諸孫曾致祭於伯兄之

靈曰嗚呼痛哉我伯兄竟舍

簡

而長逝耶兄弟之緣永念

不爲短由今思之惘然如一夢矣幼而從遊長而仕宦老  
而退閒凡與我伯氏聚順一皆天假之緣兄之愛我至矣

我之所以報兄至淺矣亦知百年虛語霰雪無期獨怪當

嘉樹山房文集

卷四

三

時之不忍極思不欲盡言者一似恃有無窮之歲月而忽

然至此極耶傷哉痛哉我父母以

簡

付兄俾從學外鄉自

八歲始至十九歲授室始自傭書仍不時往來兄館念兄

督我如師嫂鞠我如母蓋十餘年如一日也

簡

入學之年

兄食餼兄領鄉薦之年

簡

食餼當是時我父母顧而色喜

貧家無以爲歡兄直以教

簡

入翰林十

年兄始截取入都本以候選縣令乃得國子監丞爾後兄

弟同官京師者二十年花豎對牀之樂豈非天哉兄承我

父母命早年以學穎嗣

簡

抱三孫焉瞻兒之子普惟一人

洎

簡

視學雲南兄特命瞻兒攜家以從三年然後歸兄之

視簡不啻子矣少時督簡甚嚴至教瞻兒則稍弛焉至穎

而又加弛焉至普孫則如未嘗教者謂簡曰吾之精力盡

於教汝矣然簡嘗自教二兒一孫亦遠弗逮也嗚呼子若

孫皆兒有與簡共之簡又不能以兄之愛簡者轉相愛簡

何以報我兄爲吾家素無舊業薄宦相守共宅分炊簡每

奉

恩差廉俸所入固不能全推所有以奉吾兄兄直取少分

以爲固然所以恤簡諒簡甚至二十年來簡所爲恃愛而

護其私也簡兩任學政別兄六年丙申春罷官養痾方謀

與吾兄永踐對牀之約詎意家運屯蹇伯嫂沒未三年學

嘉樹山房文集

卷四

三

瞻繼沒學穎揀發雲南風木萬里音書杳然熒熒苦由三

孫兩曾竟無一子視含殮也傷哉痛哉嗚呼吾兄逝矣壽

考乘化豈猶有遺憾耶今歲引年休官欲旋里省墓以天

暑稍俟涼秋至八月染疾因循不果有先壟思耶同懷四

人仲兄先歿四兄力疾來京不及易簣有天親悲耶嫂氏

與瞻兒之孀俟於堂穎兒奔於道有存歿牽耶普孫未通

籍暹孫許嗣瞻兒爲次子未成有單枝寒門患耶行立宦

成聲銷響寂懼無籍以傳耶兄無苦簡在茲矣嗚呼痛哉

告列祖文

辛卯

十月赴山左學政任便道乞假省墓

維乾隆三十六年歲次辛卯十月戊辰朔越祭日提督山

東學政奉

旨給假省墓承祭會孫

中簡

謹以剛鬣柔毛清酌庶羞之

品致祭於我一世祖暨我列祖之靈曰於乎攸哉我李北  
遷家於邑東在勤不置以士易農列祖種德詩禮昌丰科  
名濟美四百年中復祖挺起 清禁班崇宏文學士薦紳

所宗貌係孱陋接武瀛蓬 鶴禁趨走 恩綽申重豈孫

克肖詒燕斯同承家餘慶愧集薄躬茲膺

簡命典學大邦近聖入居表東海風任大力微憂心忡忡  
仰憑靈爽庶佑愚蒙便道清假

皇鑒私衷九宗咸在水木無窮

嘉樹山房文集

卷四

三

告父母墓文

維乾隆三十六年歲次辛卯十月朔越祭日提督山東學

政奉

旨給假省墓承祭男

中簡

謹以剛鬣柔毛清酌庶羞之品

致祭於我父母之靈曰嗚呼兒自乙亥歲入都忽忽十七  
年而乃得重瞻我父母之邱隴也計我父棄兒二十三年  
於茲我母王姜兩太恭人兒不及見我母蘇太恭人棄兒  
二十年於茲悠悠蒼天歲月以長兒何心而爲此愬然耶  
憶丙子秋兒初典試山東爾時假歸爲便顧念補官未久  
不敢言私是以不果嗣後視學雲南再典試湖南北皆西

南驛路距家百餘里而遙瞻望飛雲愴焉心割今茲乘便  
得展寸誠豈兒之能實我父母之佑也兒少稟父母命從  
伯兄遊及兒官京師而伯兄以知縣赴選入都竟改補監  
丞陞主事亦官京師數椽之屋天親樂聚二兄四兄歲時  
往來其間二十年來我父母四兒四媳皆康彊無恙五孫  
林立四孫皆已有子學瞻有子且已抱孫於我父母爲元  
孫二兄四兄入國學學瞻登明經學穎亦得膺一命以稍  
續家聲何莫非我父母之佑也惟是四兄中年喪子以清  
臣兄子爲子兒至今無子仍嗣學穎一本四支枯榮半焉  
又我家素貧兒得官二十餘年至今不能置尺椽寸土以  
嘉樹山房文集

卷四

書

爲世世子孫視松栢奉魚菽之地區區寸心實所滋感徒  
以兒薄德菲材仰邀

皇慈報答罔極今茲拜掃實奉

溫綸而牲鬯力微不能備物古人有言祭之豐不若養之  
薄矧不豐也傷何如也我父母生平常以收族爲兒訓兒  
服膺念之勿敢忘顧兒兄弟空囊無籍未嘗有小惠沾破  
宗人且比年來二三姪孫輩才稍秀者鄉會兩科數爲兒  
入簾迴避所格幸而得此視學一差則三年之內知免矣  
兒仰體我父母之心爲此稍慰是以上告我祖父母及徧  
告諸祖父母謹以抵家之翌日致祭已事而餽諸從祭子

姓合食焉而再合食焉一日之中九族之誼事舉於此今  
茲兒來伯兄局於官守不克偕來學瞻及其子若孫留侍  
京師學穎先往浙江亦不同來二兄四兄及學伊等皆來  
各門諸兄暨姪孫輩偕祭以來兒私心自念幸稍伸十七  
年瞻戀之私慰我父母在天之靈於萬一萬不敢絲毫志  
驕氣盈誇畫錦之榮於鄉族以自鳴得意惟我父母鑒之  
嗚呼兒赴任有期矣人生若馳若驟半不自由矧夫在官  
言官者也自今以往進取之利鈍與家計之盈虛兒之不  
敢必者也若夫謹身奉職不敢壞法干紀自速罪戾以貽  
我父母羞兒之所當自勉者也至於得便引身無譏濡味  
保有餘年復依邱墓以終承我父母未竟之志拳拳之願  
惟此而已惟我父母鑒之佑之

魏勤庵哀辭

嗚呼余與勤庵交而止於斯耶余與勤庵貧交也余交勤  
庵貧勤庵亦貧貧差勝余獨能數濟予貧傷哉勤庵也行  
足以加於衆而不獲齒於縉紳志足以大其門而不獲終  
以功名若其生平氣誼敦樸周至不愧古人惟身受如余  
者庶幾深知之匪余感之緊余兄弟親戚之貧者莫不感  
之予之所以報勤庵者至淺矣受令子之託而不能成其  
學泉壤之文又不及親爲之而假手於友人九京有知其

能有以諒余耶今聞卽幽有期一介之使一通之辭畢此平生并素車白馬鄉里耳目所矜指以爲交情之終事者闐然無有余之所以報勤庵者止此耶九京有知其終有以諒余耶嗚呼痛哉

適舒氏長女學溫哀辭

嗚呼吾不意汝之聰明孝淑一旦夭折昨猶共我笑語今已化爲異物修短之故夫安可言說汝姊妹五人汝長最賢率先諸幼以慰我晨昏楷書規撫樂毅論詩兼古近體意爲短長樂府往往出塵古文章句下筆亦能成宜家瑣語一篇尤裨雅化破俗情凡此弄筆固非婦職之常惟汝

嘉樹山房文集

卷四

三

以餘力及之吾方樂其有文而遑恤其不祥歲己丑汝歸於舒距今丁酉九年耳多病寡娛中間兩罹大故除服再期舉一雛又七月而汝歿計汝身事可謂粗了朝菌薜華生意何草草汝以吾無子常感於心去年隨壻來京吾適罷官臥病汝拜牀下涕涔涔吾舉子旋殤汝痛尤深私謂汝壻願得早死更爲吾丈夫子以報罔極嗚呼汝竟死矣三生之說其果可必也耶假令汝能重來吾未敢知見汝成立如何如何徒令我腸斷眼枯而覲面永隔嗚呼汝非吾子吾與汝母視汝如子汝諸妹仗汝如兄汝壻敬汝如賓友念汝生平致有神理類能乘化去來蟬蛻濁滓胡爲

現疾病苦厄與衆生同使夫人有過情之哀而不知者以  
爲哭死嗚呼痛哉系曰有女非男兮聊勝無汝爲吾女兮  
尤殊愁余破兮悟汝領婉纏綿兮脫穎萬族相比兮非因  
非緣忽爲父子兮良偶然惟淑慧兮所鍾悲剝剝兮攢眉  
待後身兮知惑魂無不之兮儻可得余不得兮使汝早摧  
刮垢滌愆兮祝汝再來

嘉樹山房文集

卷四

三

出沐縹緲兮哀感再來

昔發遺兮嗚呼無不之兮當何辭余不特兮勉爲早

非難慈爲父兮哀感縹緲兮哀感縹緲兮哀感縹緲兮

哀感縹緲兮哀感縹緲兮哀感縹緲兮哀感縹緲兮

哀感縹緲兮哀感縹緲兮哀感縹緲兮哀感縹緲兮

哀感縹緲兮哀感縹緲兮哀感縹緲兮哀感縹緲兮



嘉樹山房文集目錄卷五

滄洲劉氏族譜序

訓士學行略序

畦選試帖序

封君澹園劉先生七十壽序

代莘田師

朱筠園谿音集序

明督師關陝大司馬雁門白谷孫公文集序

香桂園詩集序

湖南鄉試錄序

桂陽朱氏族譜序

嘉樹山房文集

卷五

目錄

一

峩峩族譜序

湯母王太宜人壽序

重刻藥根上人詩序

歷城縣誌序

吳母楊太孺人八秩壽序

山東試牘序

峇壚山人詩序

聿堂文稿序

韓母曹太孺人壽序

碧廡齋詩序

儒林宗派序

四書圖考序

徐沛濱先生詩序

夏鶴泉詩序

張太翁體乾八十壽序

鞠蓮蘆先生文集序

送高唐牧湯子芳濱乞養南歸序

曲阜縣志序

四書翼注論文序

重修族譜序

嘉樹山房文集

卷五

目錄

馮氏五子文序

嚴先生衡石制義遺稿序

甘泉令玉蓮洲星燭文稿序

梭巢集序

澠池令苗斐來先生暨配張孺人雙壽序

歸林宗派序

嘉樹山房文集

任邱李中簡廉衣著

男學穎栗夫氏授梓

雜文卷五

孫昉游初氏校字  
曇華

滄州劉氏族譜序

滄州劉舍人紫庭持其所述族譜凡例問序於予譜系之作盛於晉唐而荒於五季末時歐陽老蘇始爲之卒未能振興其禮俗而鄭夾漈著氏族略至以爲漢唐諸儒所不得而聞蓋譜系之難言久矣雖然夾漈之書天下氏族之公言非若歐蘇一氏一族之私言也且氏固不與族同氏

嘉樹山房文集

卷五

一

之繁衍可以遍天下而族之所聚則傳於地而止世人之爲私譜者苟欲張大其姓源而崇隆其族望遙遙華胄識者陋之故凡身爲子孫而述譜系莫貴乎斷以始遷之祖其達而顯者歟則有邑乘之紀載其窮而微者歟則有里閭之傳聞士大夫不能必其始遷之祖皆達而顯而其發祥所自確不可誣旣已綿其脈而昌其支以待夫子若孫之賢而有文者慎述而詳著之則其隱德固可想矣又况其表表者也紫庭之譜自始遷於滄以來縱而數之得若干世旁而推之得若干支其宜書而無考者有所闕焉其有徵也然後備細得書其宜特書又可考而疑於私美者

有所略焉其無疑也然後鄭重得書嗚呼何其慎也人莫不欲歸美其前人又多強其所不知及其弊也則有章之而反以晦理之而反以亂其譜之也不如其已故凡譜系之難言非有文之難賢而有文而慎出之之難也抑嘗考蘇氏之作譜也曰惟小宗之法猶可以施於天下于是自詳其高祖以下且書諱以志尊他支則不今紫庭之爲譜賤而紀之而高祖以下無別焉蓋滄州劉氏一族之公譜而未嘗效明允之亟亟自明曰是吾作也

### 訓士學行略序

督學使者告滇南諸生學問之道先明諸心知所往

嘉樹山房文集

卷五

二

然後力行以求其至若曾無定見冥行倒植哦無用之空言襲前人之成語以徼倖於萬一識者鄙之爾

諸生知

國家之所以設學與使者奉

命所以督學之意乎政非賢不又賢非養不成養之而非以文術決其高下則其尤者不出故間歲出詞臣以董之三歲設科舉以羅之得其人則貢於禮部策之

大廷審其分以用之將以代天工而釐國政待之者重

擇之不得不精也初試以制義欲其通經而明理再

試以聲韻欲其通古而瞻詞三試以論策欲其通今

而知務爾諸生平日通經以立其體讀史以致其用  
博求之諸子百家以取其材取古人之詩古文及時  
文之精且良者步趨之以循其軌然後出而獻藝於  
國使者使者得而進之曰此學校所有之材也則諸生  
有以自待亦不負

國家所以待諸生之意矣滇地介在西南稽之往牒其  
入職方者最後其山川清淑靈秀尙有所秘而未發  
學使者承

天子命以興賢育材備

國家之任爲己責非徒以時文決一日之高下而已今

嘉樹山房文集

卷五

三

聞爾諸生大概於經史古書鮮所用力卽古文時文  
之精且良者亦鮮知所擇惟近科之試牘墨卷與二  
三十年來諸文人大小題之作終其身伊吾咕嗶無  
非此物者莊子云古人往矣所讀者古人之糟粕此  
更從糟粕中舖之而啜其醜枵然一無所有而欲倚  
爲根柢資爲命脈何足以稱爲士人何足以觀

國之光而稱賓興之選乎今與諸生約必窮經必讀史

必博習於詩古文詞時文則擇其精醇者取則焉能

如是矣卽一二年內不能磨礪浸潤以卽至於精粹

醇美使者可望氣而決之否則聲調愈著機法愈熟

讀時文以爲時文此與勦襲者何以異使者無取焉  
滇中書籍流布甚少而博學席珍之儒不多見致後  
進者鮮所師承使者怒然憂之欲選定一書以爲式  
恐窘於方幅仍不免於挂漏爰將爾諸生諸所應讀  
之書約舉其綱而詳列其目稍稍導其先路俾窮鄉  
僻壤之士得之皆知所夬擇以代師友之助若夫天  
資絕異鴻博穎悟能博極羣書者不以限其所至然  
精且醇者實亦不外乎此矣抑古人有言德行本也  
文詞末也古人鄉舉里選餘力而後學文後人設科  
求才因文可以見道如徒以文詞相尙博洽與淺陋  
者相去亦無大區別也使者在學言學敬取學宮從  
祀諸賢自漢以下事跡最著者刊其本傳采其嘉言  
別爲一帙諸生識前言往行以畜其德於是乎取之  
夫由前之說可以爲文範由後之說可以爲學的爾  
諸生循序以求而漸致其精勿始勤終怠以自暴棄  
數年之後必有明體達用學行醇美者出焉修之家  
則爲良士獻之

廷則爲良臣大展其所學則爲良公卿岳牧有益於  
國有益於民有益於人心風俗庶不負

聖天子所以遴選使者之意而使者所以董率化導爾諸

生之責至是庶可告無愧焉耳乾隆二十五年二月

制藝準繩序

文章意匠沿襲不同然有古今不變者理法是也自  
前明以制義取士

本朝因之數百年來各作如林顧讀者踴於其詞轉相  
擿捨求所謂就筌蹄之陳迹得火傳之正脈卽各都  
俊髦罕有津逮况遠徼鄉塾淵源無漸者哉荷澤先  
生以海內宗匠來撫滇邦下車伊始卽進會城書院  
諸生朝課而夕督之旣已恭刊

嘉樹山房文集

卷五

五

聖訓俾諸生知所憲章又取白鹿洞規條推闡成書八條  
課士體用具舉旣又念文辭雖屬末事實爲拜獻先  
資爰取自明以來傳文卽諸生嘗所誦習者得若干  
篇句櫛而篇梳之以授學者俾卽其至變以得其所  
不變確然如射之有鵠釐然如網之在綱諸生朝漸  
夕磨以益求其所未至不惟制義卽詩古文辭之旨  
不外乎是故賓興之年書院夾科幾半下邑文體之  
蒸蒸日上蓋有以也簡奉

命視學是邦手編學行二冊訓士於制義大指略發其端  
質之先生過蒙許可又欣然出向所評選相示簡受

而讀之霍然得素見之所欲發竊喜先生之導以前  
路也爰題數語敬質先生倘許分惠是編徧布諸郡  
於諸生實有厚幸焉

睦選試帖序

凡事皆有成法然後中材可勉規矩之於方員六律之於  
五音皆傳之自古教者舉而授之不病其襲又或他有教  
者移而用之不訾其掠美文辭之於言其精者也詩之於  
文辭也尤精然使無成法以留之則其不傳者多矣

功令制科以詩易表督學於三歲中將陶冶初學以觀其  
成試帖之選斯當務之急也其法雖限以聲律拘以邊幅

嘉樹山房文集

卷五

六

宜若無以見才者然苟神而明之猶規矩立而巧寓六律  
作而和宣其妙非方員五音所能盡卽而按之仍不過方  
員五音而已也滇南奉前使葉君試帖選本甚佳余獨病  
其未及

本朝各作學者未知近取得黔省前學使睦君所錄上溯  
三唐下逮三數年來館閣諸公之筆條次井井具見崖略  
又其評釋差詳余極賞之曰此試帖之規矩六律矣苟使  
多士得所遵守功奚必自己出爰移書黔撫蓮峯先生購  
本重刊徧布屬學昔晉胥臣之言曰學如川焉有原以卬  
浦而後大韓子之言曰航通川者雖有遲速必至海多士



誠以至海爲期而自居於叩浦之原聊以是選爲筌蹄勿  
墨守焉知亦吾睢君之意也使者旣廣其傳而又序之如  
此

封君澹園劉先生七十壽序

代相國師

戊辰禮闈予預分校所取錄士登詞館者十餘人其在江  
右曰念中楊子曰又韓劉子故事初通籍者親在許假歸  
省是秋劉子最先歸臨行過辭予予方怪其速踰年來京  
受編修職壬申主山右試明年會試同考官踰年又歸又  
踰年來京改御史明年丁丑將乞終養以歸其跡甚勞而  
志甚決人或挽之莫能奪雖予亦疑之今行有日矣及詢  
嘉樹山房文集

卷五

七

其尊大人澹園先生生平則知又韓之恬於宦而急於養  
先生實啟之先生純孝人也又韓爲予言先生初以文章  
受知督學安溪李公貢成均廷試第一試令秦中以太夫  
人年踰七十請終養旋里及太夫人服闋遂不出杜門教  
子以詩古文辭自娛及又韓入翰林庚午例得以官卷入  
闈先生初不樂就家人強之始一試獲雋時年已踰六十  
矣辛未赴公車薦而不售益寄情山水間是年以

聖母皇太后萬壽覃恩勅封儒林郎翰林院編修明年七  
十初度精神不減少壯者又韓之言如此其鄉之賢者咸  
曰先生老矣先生高尙人也予一再思之先生之處也以

爲子也其終處也不欲變化其初志是以全乎爲子也由  
此言之先生今則老矣先生非高尚人先生純孝人也不  
忍終身菽水其親故博一官又汲汲焉惟恐一日不得菽  
水吾親故博一官而終不就世有徇祿萬里一旦風木嗟  
齊終天此不幸之尤大者卽令萬萬無此慮而使高堂以  
重白之年倚門間占烏鵲尺書不時痾癢誰語如此者曰  
復一日於人子之心無乃慊乎凡臣子之義各有畸重義  
重在臣有時以子之勞奉吾君王尊叱馭是也義重在子  
有時不以臣之榮易吾子仲子負米是也由此言之又何  
疑于又韓又韓行矣又韓蚤失恃無兄弟以先生與繼母  
之福其可量哉於又韓之歸道其志以爲先生壽謹序

嘉樹山房文集

卷五

朱筠園谿音集序

凡音之起有感之者也感之者竊渺恍惚不得其所始而  
獨托於所見以爲端所託不一則聲氣殊焉詩之體倚音  
而立其根於性情而隱寓夫政俗者固非音也至其形於  
咏歌則莫不各卽耳目所及志趣所安以反覆而長言之  
是故從遊則敬廢夫卷阿獨寐則永矢於考槃跡異出處

譽殊莊逸二者標尚固然然廟堂之士進有官守之責退有酬應之勞苟非性情所近夙有深得卽偶然涉筆豈能以稱心而問世而山林憔悴耑壹之士其日多暇其神不擾故得以孤往於虛無空曠之間以自得其性而大廣其業雖復其音容有偏至至其獨得蓋不偶然也予同年友邵武朱子梅厓號爲能古文其兄筠園獨以其詩名憶辛未歲梅厓赴令山左臨別出筠園制義一編詩數章相示且曰予與家筠園分業詩古文筠園所得殆過於予且筠園負才名三十年而獨艱于一舉豈其中之有未足與子第其文而序之予謝之旣歸視其文廉悍精詣有孟旋貞

嘉樹山房文集

卷五

九

父諸前輩風讀其詩益可愛恨不卽見其人癸酉秋筠園計偕來京一見如平生歡始得盡讀其存刪二詩稿其存稿俯仰容與體清心遠有陶徵君之遺音而韋孟其性情也其刪稿跌宕瓌偉鏗刻穠纖出入於飛卿長吉以力追少陵者蓋其少時作也予旣得交筠園益重其詩文又益歎梅厓前語不阿所好如此是科筠園放歸無忤色丙子秋予奉

命典試山左梅厓分校相聚月餘訊知筠園篤學自好恬如也梅厓獨敦索予序筠園文予諾之顧恩恩未得爲丁丑六月筠園自山左以書來抵餉以新製制藝叢稗集則

嶺南林君穆庵已序之矣附見懷詩二章且曰余文已粹序無重煩別來五載近詩已成八卷取名谿音願請一言爲弁噫筠園於詩何其進之速而收之富也境老愈熟斷可知矣予自十四五時爲詩至二十所得數百首盡燬之無一篇存者中間隔四五年絕筆不爲自二十四五又稍稍爲之至今積十二三年所得約亦不下七八百首亦無一半存者卽如梅厓以古文得名數十年去歲闈中訊及亦未得排纂問世而筠園獲以暇日耑精功緒可稽如此較吾二人得失多少何如也集名谿音蓋有取於莊生地籟之說然似不能無卽整間想今

嘉樹山房文集

卷五

十

功令科舉以詩易表風雅庶幾丕振谿音之節將爲筠園比竹而奏之可乎

明督師關陝大司馬雁門白谷孫公文集序

自古一代將興天必多生賢才使之各盡其用至其將亡則舉一國之大勢專倚于一勞臣而是人者或天促其算或人肆其毒使之困頓蹙縮齋志以歿然後國運隨之若蜀漢之忠武侯南渡之文信公皆以一木支大厦之傾甘殉無所逃之大義其盡瘁無補蓋不待身試而後知之也讀前明代州孫大司馬白谷先生傳未嘗不歎先生孤立無助不盡其才以殉國也其屈而能信且大信屢信而終

屈遂不可挽明竟以亡度先生自處豈在襄城事去後哉  
當其由治中以邊才推天子非素知也旣屢建功關輔遂  
清屯田事稍就緒而樞臣忤矣總理猜矣過靈寶之捷留  
入援之師前勞已棄又况在獄三年河南已成糜爛乃起  
子請室督不教之民以就方張之寇事與心違固非勝算  
至於一跌之餘徐圖後舉而七省軍務之命旋加則帝至  
是始知天下全勢繫於孤臣又復束縛而馳驟之此燕太  
子丹所謂惛然若不能待適以孤注速亡耳論者謂先生  
再敗皆以霖雨然觀當時无解大勢撫固徒勞勦亦難盡  
如擒高迎祥之前事是已而又內外無助庸相掣肘于內  
復對獄吏母寧免胄入軍之爲得死所也悲夫當其長繫  
待决盈廷莫敢發言及全家殉節天子仍惑無稽蜚語靳  
以贈廕嗚呼國之將亡刑賞顛倒乃至此極耶及我

嘉樹山房文集

卷五

十一

流言四起于外卽兩役幸而克捷未必能盡其用則與其  
士大夫以逮閭巷婦孺無不知有先生者然則人才隨世  
運屈信之故夫豈微哉先生元孫爾桂任景蒙叅戎磊落  
有氣概與予再晤甚洽談次出先生家傳及文集觀之其  
撫秦奏疏與夫清屯諸條教剴切周至披瀝血誠益歎先  
生才略之偉遭際之難而忠義之性百折而不同蓋天之

所以挺生先生於季運早以武侯信公相位置而先生盡  
粹取義固非匹夫匹婦之諒所能彷彿其萬一也叅戎索  
序敬次所見歸之按集中尙有雜著詩文若干首非所重  
論其大者

香桂園詩集序

壬午夏簡在滇南學署湘潭橘洲張老夫子觀察川東以  
書來并寄所爲香桂園詩屬予序予時抱病未能應命明  
年入都供職內廷少暇又明年春在直廬乃始盥手敬讀  
焉集分七編曰餘事集曰舫齋詩者初官翰林居京邸時  
作也曰還湘艸者以憂回籍時作也曰豫南吟者觀察南  
嘉樹山房文集

卷五

十一

汝時作也曰西行紀事者典試陝西時作也曰看竹軒艸  
者家居時作也曰江行雜興者自楚入吳舟中作也畧備  
諸體而所存甚約五古志和而音雅十九首之下於阮嗣  
宗爲近唐則曲江嫡派也七古跌宕奇峭於東坡半山爲  
近而澆花老人其崑崙墟也律絕諸體推陳出新旣莊且  
逸香山之自然劍南之俊拔殆於兼之予始讀之愛其工  
繼歎其源流之遠及執其所爲近古者一一求之古人又  
渺不可得而後歎先生之詩其妙固別有在也自漢以上  
詩不名家詩集之興昉於魏波蕩於六朝而大盛於唐作  
者緣情而出倚聲而立當其得意不知有古人也惟其繼

心獨往集於虛游於初者久悠然油然與道大適長言咏  
歎而後可以感發乎人心是以美斯愛愛斯傳焉以予所  
觀古今之不苟於詩者往往如是予以甲子受知於先生  
戊辰入翰林持所業謁先生因得聞諸緒論先生之言曰  
詩之爲道根支正變不可以一言盡然其要旨貴無近名  
而已予之於詩爲之雖久未敢自信獨以居二十年詞館  
而於儕輩中無赫赫名此則予所自信者已先生以公才  
公望領袖詞壇旣受

聖天子特達之知屢遷官尹敷歷方連天下談文章經濟  
推先生當不在韓歐下而先生自言乃淡然若此今讀先

嘉樹山房文集

卷五

十三

生之集試帖之體酬應之作百不存一乃至鬪一韻之奇  
爭一字之巧重沓往復以多爲勝者通集無一見焉益歎  
先生詩品之高根於性術非區區撫仿古人以幾幸其合  
者也予受知先生久愧學殖淺薄無能表章萬一輒取素  
所聞於先生者敬書簡端還以爲質

湖南鄉試錄序

戊子

乾隆三十三年歲在戊子夏五月禮部以湖南鄉試

考官請得

旨命臣中簡偕左中允臣冠典厥事中謝臣聞文章之升

降關乎時而其體派之流別係於地山川之所融結

風俗之所漸染鄉先正之所流傳厥有自來不可強  
而同也當其較然成體如粵罇燕函一巧可以名世  
而其敝也則或比於橘不踰淮鷓鴣之必南飛斯亦  
拘於墟者之鮮通也

皇上加意作人在廷諸臣膺衡鑑之選者胥奉

聖訓以爲圭臬各直省風氣所關習尚所守皆洞然在  
睿鑒之中矣楚南山水清遠屈宋風流後來未艾又嶽麓  
書院宋朱張諸名儒之遺烈存焉

國家際重熙累洽之運文治昌明人材輩出故其尤者

嘉樹山房文集

卷五

十四

應不和則或卷軸之光未能遽充焉要不以掩楚材  
之多秀也臣於丁丑丙戌兩預會闈分校所閱湖南

卷大抵如此今所取者骨格貴其清詞調尙其雅而  
又求之經術以驗其根柢叅之史傳以試其貫通俾  
士之獲登斯選者不自薄其風氣而又思驪首景行  
以勉其所未逮則澧蘭沅芷不徒擅美於前人而臣  
因得藉手以報

聖主之知于萬一是則臣所竊幸而不能不厚期于此邦  
之德造者也中備書

日講起居注官翰林院侍講學士紀錄五次臣李中簡



謹序

桂陽朱氏族譜序

尊祖故敬宗敬宗故收族譜系之立凡爲子若孫者之所  
自致不惟其家世之微顯也唐以上氏族在官族望所出  
必以賢貴子孫雖不自不失爲高門而閭巷單微雖頗能  
自樹立終爲士流所擯棄使其子孫何所勉焉此其弊也  
雖然家自爲譜誠足以驗子孫之賢而崛起者往往恨於  
無述其幸託達人之後得憑藉之資又或未能審求述作  
之體要苟欲踵增焉以求多於耳目則亦賢知之過也北

宋歐蘇以一代文獻之宗始發憤爲族譜後之清門素業

嘉樹山房文集

卷五

十五

益彬彬矣且夫私譜之作大致有三而記載之詳略書法  
之文質不與焉何者欲推原本始則觀其斷欲表彰隱德  
則觀其公欲援引重言則觀其雜收兼登而與作意相比  
附嗚呼三者居譜事之大凡矣賢子孫所汲汲講求爲首  
務者而得失若此可不謂難哉桂陽朱氏楚南望族乾隆  
戊子予典試所取士名霞者來謁持其族譜之目凡十有  
二條丐爲序且曰霞族之譜自宋迄

本朝凡數脩今之續者伯父孝廉公名有斐實主其事皆  
遵舊章第未知於古法有合否也予覽其目詢其意嘉其  
詳實其世錄一條族著碭山而斷自盧陽爲一世此合乎

始遷之義尤善之善也至於系圖與錄似宜相應若更遠  
溯會稽則或別著一篇曰朱氏族源備考載入藝文之內  
行實有已入省邑志者采之他姓鉅公爲立傳者列之其  
諸本族支裔所作傳贊不以入譜且留爲行略以俟采庶  
可示公序不欲繁每一脩輯止宜并一序於首其舊序及  
他說引之類併入藝文以省重沓予固未覩朱氏全書獨  
據目錄與霞所口述者而臆論之如此準之成書未審合  
否然要期於導揚公是圭臬古法以稱賢子孫尊祖敬宗  
之意其持此歸質之令伯孝廉公爲何如也

峩峩峩峩族譜序

嘉樹山房文集

卷五

十六

庚寅 恩科余奉 命典湖北試事荆宜施守道健爲李  
峩峩峩峩先生拔實監內簾先生與余同姓又甲子鄉舉同榜  
以是相親近先生貌臞然以清其與人也迹淡而意真余  
心敬之監試無衡鑿責除嚴飭內外關防外無事事先生  
日夕汲汲如有不遑人定後尙篝燈熒然旣而感疾余過  
候之叩其所以自勤苦者先生出一編相示泫然曰數年  
精力萃於此矣其爲我序之則峩峩峩峩手編健爲李氏族譜  
也先生語余曰自李氏之家健爲也凡若干世以及於余  
有代存而不得其名者兵燹焉故也有名存而不顯其事  
者微焉故也有事顯而未載于書者無力焉故也際

國家承平百餘年來邊疆人民聚族樂業拔幸以非才叨  
竊科名歷任監司大員秩祿崇厚回視我子孫族姓日就  
蕃衍而未有達焉者庶幾先人靈爽式憑在予俾著其代  
而收其宗也爰是創始爲譜比年以來所至常挾以自隨  
公餘必有事焉茲稿凡數易矣急求其成而未敢率然所  
以病也余聞而感之爲人孫子一也余家自廬州北遷自  
我高祖父名德祀鄉曾祖父以下僚著偉績涼郡雖譜系  
粗立而家傳闕如又數十年支派分析無所增補先大夫  
有志焉未之逮此後死者之責也一官碌碌動云無暇視  
先生焚膏鎖院力疾以述先德者殊有愧也余又聞蜀中  
嘉樹山房文集

卷五

十七

在京士大夫云先生篤於倫行居喪守墓終制不敢挾貴  
驕其族仁孝人也今以所爲譜驗之良信旣仰先生之高  
義因卽序所以得交於先生者著於篇且志先生之言以  
自儆若夫是書之體例原委則諸序備矣茲不具論十月  
十三日漢陽澗口燈下

公曾湯母王太宜人壽序

凡人子受生於父母莫不各肖其所生而得母氣爲尤多  
常人之情父嚴而母慈子之成否或半焉至母教而有父  
之嚴則漸磨尤深有必成立而無疑者而其母氏亦往往  
耆壽康艾光榮於晚歲以稱其早歲之勤苦此報施之恒

理縉紳庶民家所見類然非偶而已也京口湯登泗字芳濱予丁丑分校所得士貌甚樸容止甚謹而居官廉恪有循聲初過余與之語悉其家事蓋兄弟皆稟母太宜人教以成立者也太宜人姓王氏歸湯太翁慕堂先生實生芳濱兄弟五人先生中年經商遠出奉親延師摒擋家計皆於太宜人是賴焉芳濱伯兄名登鰲出繼伯父中甲子副車歷任兩粵劇邑現陞養利州牧而芳濱自丁丑成進士後出宰山西之垣曲調繁安邑推陞雲南之馬龍州牧以親老告近省改山東之高唐州兄弟宦跡略相頡頏振其家聲矣慕堂先生早歿不及芳濱通籍時太宜人又不樂嘉樹山房文集

卷五

六

就養與諸子家居獨以恪慎官守勲拳致訓十餘年來每寄甘旨之奉則切切戒其傷廉聞遷秩之榮則諄諄勗其稱職賢哉太宜人可謂以慈母而兼嚴父之教所宜光榮于耆耄之年以觀報施之恆理者也辛卯十一月以聖母皇太后萬壽覃恩 誥封太宜人明年五月 日太宜人入八袞有一初度設帨之辰遠近親懿咸願稱觥致慶芳濱將製屏幃徵壽言寄於家以頌

龍章之寵錫光賢母之壺德而請序於予予于芳濱通家好也不揣不文爰泚筆以代登堂之祝云

藥公既喜與當世士夫游多所唱和與予識面未爲晚而蹤迹頗疎自甲戌揚州邂逅一別不相聞者十年甲申丁亥再來京師盤桓不過數日酬贈不過數章耳而其情甚長雖已卽世使人有玉樹土中之歎予旣爲之作傳顧念不文恐不足以傳之不若卽藥公傳藥公而轉以予之所傳藥公者附之以庶幾其傳也藥公有故刻古近體詩一卷序跋者數家予初讀之愛其清麗顧爾時少年盛意氣以爲海內奇士往往游方之外卽其寄情篇翰如皎然齊己之流今何遠不古若藥公雖佳未爲難得荏苒二十年來交游半落懷抱少開屈指從前物色方外庶幾於皎

嘉樹山房文集

卷五

十九

然齊己之流者獨有一藥公而藥公死矣辛卯十月予將赴山左檢藥公餉予諸作都已散落獨攜舊刻置行篋中欲弁以小傳引言而重刻之適晤東昌守桂林胡君書巢亦藥公夙好卽前爲葑庵集書後者極爲贊成且許代董其事予惟葑庵集旣刻又二十餘年藥公乃歿今集後詩百無一存是刻仍管豹耳然予之所以交於藥公者姑取寄焉不欲外求非謂是集足以盡藥公也予旣感書巢之義益不能已于藥公故約略序之如此藥公舊有行吟圖予爲題雲鶴二章圖現存書巢處展卷相對真所謂呼之

欲出者

史之有志尚已其以地著者唐宋以來多總滙之書至於分郡爲志郡又分邑則其事愈尙商榷亦宜益精誠各物所憑依而史乘之根苑也嘗論作志之體貴於詳而難於核不以簡古爲高自好文之士喜新厭繁力矯瑣累於是

嘉樹山房文集

卷五

三

有強故實以就我剪裁文雖工而志體荒矣其或官董其事則又不過偶動於好名之一念急求其成而不顧其安以爲苟非功令之所程課最之所係皆可以苟且從事而二三賓客因得以私意竄定其間此所以易成而難工也東昌守桂林胡先生雅意嗜古自宰歷城時閱邑乘殘闕發憤蒐輯延益都李君菑皖濟南周君靜函暨諸同志據明季葉氏舊本成之三君皆淹博有文又樂操其土風故其結撰壹以詳贍爲主而先生亦深於著述甘苦之數不爲去留易念俾得從容以盡其才蓋五年而後成書視原本不啻倍之書成而先生已擢郡守李已令粵東周亦成進士矣先生以書索序於予予受而讀之詳而不失之蕪核而不失之鑿犖焉炳焉洵可與宋次道之志長安河南范至能之志吳郡與山左名志如東阿安邱二書後先輝映者也予嘗借明人所撰朝邑志手抄之閱其文洵簡淨有法顧獨疑其於遜國臣程濟拜碑事獨詳殆未免於文

人好奇之病以此推之他可徵信而反漏者政多也若斯  
志者庶知免矣先是學署在青州今則濟南使者於歷城  
居停也可竊附于寓公之義故輒引伸鄙懷以塞先生謹  
諉之意云

太孺人楊太孺人八秩壽序

祿養逮於所生不可必之天者也遠遊而不失左右之養  
此人之所可自盡也至謀就養於遠遊之日而所逮之親  
亦竟能康彊迪吉保有長年以享其報此又人子之幾倖  
於天而不敢必者有其得之而家慶以各予向視學滇南  
培諸守土官類多北地人其親在者多以迎養爲難及來

嘉樹山房文集

卷五

三

山東守土官多南省人其親在者亦以迎養爲難海豐令  
吳君某籍隸黔省去山東七八千里獨能迎養母氏楊太  
孺人太孺人春秋高賴君之烝烝色養無鄉關思而君以  
邊地孱儒薄宦萬里無遠遊之悲者亦惟太孺人就養之  
故母子至情交相慰賴遠近聞風者莫不歎君之孝而羨  
太孺人康艾之福也庚寅五月太孺人年七十六同人咸  
謀製辭稱觥預爲八秩之慶而徵序於予予與吳君同舉  
甲子鄉試有兄弟之誼於太孺人爲猶子行旣不獲辭則  
特揭君遠道迎養之大美見太孺人康彊迪吉未必非令  
子純孝之感以爲凡親在而闕於迎養者勸而於太孺人

之壹德母儀姑略不書吳君愷悌人貌樸而言馴海豐地  
故瘠貧君官斯土四年民安其政茲之躋堂介壽不惟二  
三僚友卽邑民亦莫不共樂吾侯之有壽母也以是爲太  
孺人進一觴云

山東試牘序

學政之官卽古者采風之使道在端士習爲民表而  
以文爲質故於是尤致詳焉余昔奉

恩命視滇學三年地邊遠歸流郡邑書籍尠充青衿素業  
或不足以盡其才以故兩試所收行遠有待山左密

邇

嘉樹山房文集

卷五

三

京圻

聲教首被又聖賢之鄉數千年來耆儒大師淵源之所漸  
摩鉅公才子風流之所掩映英彥代興櫛比鱗萃幸  
得假尺寸之柄相與有成而使其立誠之始文采弗  
宣則亦操鑑之過矣憶丙子秋典試是邦二東之秀  
旣已寓觀崖略茲重持使節驅馳四郡次及會城間  
發行篋所攜爛然滿目私喜入寶山之不虛回也爰  
遴其尤先付諸梓字句務從本來評點略存體要與  
諸弟子爲矜式他郡擬以次登旣而序之重有感焉  
古人文章以山水喻余于役四方二十餘年遇諸奇



勝可喜可愕縱心摹擬自謂庶幾無憾及躋日觀之  
峯登蓬萊之閣俯仰氣象始悔其前見之不廣此莊  
生秋水之旨所以爲知道也願與諸生進而求之一

峇壚山人詩序

福山謝乃實字華函歷城訓導謝光  
謨之祖

詩道之難言非不才不學之難才而學焉者之難也蓋才  
多者喜於諧俗心艷夫嬉笑怒罵皆爲文章於是乎以率  
率爲能而詩雜矣學富者泥於仿古曰眩於前輩飛騰餘  
波綺麗於是乎以模範爲工而詩僞矣余垂髫遊香樹司  
寇門旣又受知於歸愚宗伯皆稟詩教司寇長於才而論  
崇高古宗伯篤於學而意貴清真兩先生海內宗匠今學

嘉樹山房文集

卷五

三三

者取其全集覆按之知其不我欺也余來濟南訓導謝君  
來謁問日出其令祖華函先生峇壚山人集請序予受而  
讀之陶焉遂焉質有其文雖較之阮亭荔棠秋谷山疆諸  
老輩之沉博絕麗未知何如然如前二者之所譏蓋寡先  
生以賢令尹早賦歸田功名未顯獨抱其閒居之歲月以  
昌其詩所得顧不多歟予舊觀山左詩鈔人爲之傳而附  
詩於後少者或三數章殆取人備詩不必盡工也若峇壚  
山人之詩不惟以人重也夫

聿堂文稿序

名溥時知歷城縣

國家以制藝取士自有明相沿四百餘年不廢者法莫善

焉故也附乎經故其體尊衷於理故其說長小生末學奉之寡過而魁閎卓犖之品亦往往由其途以自託不朽非僅博巍科顯名當世已也世之論制義者莫不尊尙大家如明之震川思泉

本朝之鍾陵黃岡百川靈臯諸先輩當其選矣顧學之者卒鮮其學而至者又加鮮焉非第其才限之毀譽之說亂其真而得失之見操其勝也夫士子方資制義以致身而取法太高則勢不能必得而速譽此爲制義者徧天下而其道愈難淮安王君聿堂以名父子成進士早擅文譽予視學山左始識於其令章邱時讀尊甫袁渠先生集冲穆

嘉樹山房文集

卷五

三

完粹如見先型旣又以手稿二冊餉予徒觀其澄汰包舉不遜別調而絕遠恒蹊使人不敢薄後賢而愛古也聿堂自言旣成進士又需次者十年用得畢力於文回視少作使人內慚予聞其言而感之制義一藝耳少而習焉甫通籍而棄之比比是也以其輕棄則其苟於所取可知也以其苟取則其薄於自待又可知也夫誠沉潛反覆於其體之所以立與其說之所以行道有終身由之不盡者而舉而措之肯自負其言乎聿堂爲人磊落有奇氣其爲政剛明案無留牘吏畏而民懷之旣擢蒞首邑功名自茲方大顧拳拳以素業相質足以覘其命意之遠到矣藝事云乎

韓母曹太孺人壽序

母之於子相爲命者也婦有不敢夫其夫而母無不得子其子雖然子一耳賢不可必賢子身名之利鈍得以竭力所生者又不可必古來人子夙夜有懷形諸詠歎而備物之養榮名之奉往往得之艱難落莫遲久之餘幸速康強以伸其志蓋天下惟壽親能有孝子此洪範所以首五福而魯頌所以志燕喜也聊城令高陽韓侯雲若予同里舊交自成進士需次幾十年始官山左又三年調繁大邑治聲翕然大計預

嘉樹山房文集

卷五

五

薦章遷秩有日矣癸巳首夏下浣母太孺人年六十七初度之辰侯之同官與聊之士大夫皆撰言稱觴爲壽而屬序於予予惟侯之賢實稟母太孺人積德而太孺人又自以純德永年樂有賢子敢以是爲侯賀太孺人姓曹氏天津人其始歸侯父魏績先生也以副室年甫十六佐嫡閭宜人隨先生官粵西九年罷官家屬先歸未幾閭宜人歿撫訓宜人子如己子同就外傳先後婚娶入邑庠家故貧獨力經紀者十餘年先生歸自粵西老病數年下世孱然當大事纖悉周摯內外無間言太孺人持韓氏門戶旣難且久

子幼粹不得成立族里皆爲歎息而識者知先生必有後又以知太孺人將以厚其積而食其報也太孺人教子嚴不以家務累其心俾侯得前意向學致身通顯續其家聲及侯之官山東以地近迎養三年恭遇

覃恩榮膺今號矣初太孺人局於分不得以夫貴也竟以子貴每暇日內集子婦環侍回溯數十年拮据衰落時情事輒泫泫淚下若不敢知有來日者鼎養旣遂大名斯崇撫飭案於北堂御板輿於南陌視晉郗夫人之論神明唐長孫夫人之語新婦爲年尙遠侯垂

嘉樹山房文集

卷五

三

紳良組從容以譜白華之詠曰正長也抑聞天道報施視其已然前定者不爽則未定者信矣侯有子而賢蚤擅文譽虎脊騰達指顧間耳以予卜之太孺人不惟以子貴行以孫貴今之綵服捧觴而侍末座者可側足佇晉封焉保艾之福其可量也哉

碧腴齋詩序

接迹名山水以文章氣類交朋友至樂也惟多倉卒不能盡領其妙耳予來山左同官以詩名者吳中陸君青來觀察桂林胡君書巢奉天朱君思堂兩太守暨濟南董君曲江教授而四書巢與予晤最早其碧腴齋稿乃今得讀之

去年二月始登岱值霾霧漲天無所見而返今年先期宿嶽頂振策日觀峯上天始向明白雲抱山眠千里彌望敷旭泱泱駁其背乃得極諸瑰麗因念宇宙間高深平遠之境可以一覽而收若夫昏旦四時之氣候闔闢變化固非日夕於中者不能徧領之夫文章亦猶是矣初予重刻亾友藥上人雙樹堂集書巢實愆愆之書巢入蜀詩余爲題二絕句及行郡至東昌書巢病中出舊編索序卽所謂碧腴齋者余攜置行篋中數月爲次第披閱如得遊理焉二名家各擁巨集業如秋峰競爽余未有能焉而皆愛之每憶生平至游覽佳處詩筆滿崖壁間偶見題空名於上者嘉樹山房文集

卷五

三七

而喜以爲不落言象庶可存山水與我之真也今予序碧腴稿亦效夫山水之題名而已癸巳夏五

儒林宗派序

儒莫盛於漢宋漢儒傳經而宋儒講學何也非經無以見道漢承微言將絕之餘存什一於千百故以傳爲難自唐以後九經之文諸家之說大備學官學者窮年矻矻猶拘於章句訓詁莫能相通間有一二聰明博洽之才掇其菁華徒以飾輪轅而藻擊悅所謂知本者不在焉於是志士感之踐塗文章單心性道以求合古之大學而高明沈潛又各就其資性所偏標宗旨以誘後進此學派所由起與

漢人經說異同後先相望者也明黎洲黃氏著明儒學案  
論述最詳今越中萬使君絲前重刻其伯曾祖季野先生  
所輯儒林宗派一編則尚列姓氏或統或散自漢以來余  
觀經師授受漢降漸微至宋五子出厥後始有宗派之目  
其間不名一經而亦未嘗講學者未始非儒也漢廣川董  
子學貫天人雖傳公羊春秋不可以專家目之自後如蜀  
漢之諸葛忠武唐之昌黎韓子宋之范司馬兩文正歐陽  
文忠元之貴與馬氏可謂名通若此諸儒經生乎學究乎  
宗派之名可以不立雖然宗派起於講學講學非病病在  
轉相師者略文行而求深於理理有兩端而無形可質故  
嘉樹山房文集

卷五

三六

莫能相一則門戶之見成而教術以弊且吾見夫後來講  
學諸儒之務以口舌爭者其或斷不必以口舌爭者也今  
使世儒務絕羸出俛焉奉一大儒爲步趨奇偉之士或難  
之不如兼收之使其自擇從事之久俟其自悟斷斷派別  
如經師之不可偏廢而後曠然有以統會於宗則先生是  
編之功豈淺鮮哉

四書圖考序

六經孔孟之書相輔而行爲義理根苑區區以名物  
求之未矣顧各物不明義理終隔不能貫穿傳注博  
極羣說叅以會心則名物亦終不明古人左圖右書

自文字日繁圖象漸微惟星躔輿地專門之學遺法  
尙入撰述儒生考業莫之或先也唐以上繪家作圖  
類有淵源或岐出非吾道所貴偶有可以略存勸戒  
者僅依託史事資博古之一助意存乎表章聖籍者  
無聞焉經術空疎一端可見後周時聶氏崇義被詔  
作禮器圖二十卷好古者重之顧三禮無專科從事  
蓋鮮而論孟大中自紫陽章句出末學徒依傍文義  
以資科舉注疏且猶鹵莽矧望其繪圖求也益都明  
經張氏雲會敦行重於鄉里邑後進多出其門余科  
試竣明經命其子庠生某持其手著四書圖考一帙  
來謁余觀凡例數條簡約矜慎慊然不敢以述作自  
命洵有德之言也圖雖卷帙無多然考據明晰取舍  
不苟初學便焉夫四子書童而習之白首而不得其  
解名物居其半矣恭閱

御纂四經

欽定三禮全圖燦然大備如日月江河之麗天行地不有  
蒙求何以津逮余以是爲明經重往時友人江南戴  
君名震邃於禮經曾著考工記圖而爲之解見者服  
其精詣近蒙

詔纂修四庫館書

恩賜成進士生平著作庶有珪璋之目矣今明經是書未  
知較戴君何如以此成教黨塾間古之所稱鄉先生  
者豈有愧哉

徐沛潢先生詩序

毅庵中丞祖父諱湛恩以侍  
衛改部曹官至直隸副總河

辛卯冬予與大中丞樹峯徐公後先承

命來山左始識面以道義相尚比三年矣中丞邃於學  
顧任封疆務繁責重退然不欲以詞章自見而獨雅  
重予文暇日出令祖沛潢先生詩索序予考先生生  
平事蹟磊落奇男子也世徒見先生晚年任分巡晉  
陳臬入參閣部出總北河略兼儒臣駁歷之榮遇而  
不知其初由武科致身又或見先生以武進士謁座  
師臨川先生奮筆和詩名傳都下及官侍衛扈

嘉樹山房文集

卷五

三十

駕應

制賦水獵詩稱

旨遂膺

特達之知改授文資咸驚先生異才天賦而不知其由寒

峻精進而成中丞嘗從容爲予言曾祖某公令寶雞

時里吏議籍沒家無尺椽先生早歲締姻貴族至是

築蹇就婚子然藍縷諸僚壻或輕之先生洒如也外

舅家故多藏書或勸其讀先生意若不屑及抽架上



諸帙試之則略已上口嗚呼先生聰明固什伯庸衆  
乃其志量遠大於困窮潦倒中早自刻厲故樹立至  
於如此先生居官有風節林居二十年不問田舍性  
喜爲詩稿成輒棄之多爲人捨去其存者百數篇耳  
予讀先生題顧用方先生辨性篇後詩義精河洛語  
妙老莊殆非僅詞人之詩也他皆華瞻流宕自成一  
家之言賢者固不可測生平奇遇豈偶然哉聞寶雞  
公居官有大陰德卒負累以沒先生旣卓然振其家  
聲再傳而中丞繼之皆名德碩望衍積善之慶功存  
經國不必以文顯而先生之詩乃必可以垂後而

嘉樹山房文集

卷五

三

無疑者中丞用忠孝繩武又念先澤不忍沒將授之  
梓俾簡以里詞導揚篇首附名行遠詎不幸歟

夏鶴泉詩序

名曉春時知滋陽縣

少陵云文章有神交有道予少熟其辭未解及長講出門  
功大都皆文字緣然後歎其言之篤至而有味也予來濟  
南識章邱賢令王君聿堂至兗州又識滋陽賢令夏君鶴  
泉二君同江左人居官皆有政聲其詣余也循循焉執條  
屬禮甚恭公暇間一談及民間利病皆能犁然見其本末  
然殊不自矜其有文久之聿堂以尊甫稟藁先生遺集來  
予讀之而驚亟叩聿堂所業則又益驚因爲之序其時文

鶴泉尊甫予同館先輩所謂醴谷先生者也引年早歸以著述自娛予初通籍京師時時過從之鶴泉稟過庭之訓夙擅名譽不得置身館閣顧不自薄其官而敬事如此余雖晚交鶴泉固知其必有異也癸巳冬予再至充試事旣竣鶴泉徐出其詩若干卷屬序予讀之博瞻妥帖志和音雅知波瀾有自一時名父子若聿堂鶴泉者不愧家法矣夫文章雖小技卽而求之其人在焉故足述也余學詩三十餘年於古今作者頗能別其正變同異因以想見其人余先交聿堂而後讀其文今又旣交鶴泉然後讀其詩正如振桴求聲立竿索影無弗合者鶴泉勉之譬如涉川然

嘉樹山房文集

卷五

三十一

將與君理權挂帆後先焉指通津以達於海詎不快歟

余去張太翁體乾八十壽序

淄川令鳴鐸之父原貴州都勻府都司

官制文武分資惟恩蔭者子孫從之不以限其世也記曰良弓之子必學爲箕良冶之子必學爲裘管子之教曰士之子恒爲士農之子恒爲農非驅而就之於勢誠便矣故文武皆有世家而亦不盡然能傳業者謂之賢子孫能相其材而變通以教之者則存乎賢祖父淄川令靜海張子鳴鐸再世用武資起家身獨以文顯初署荏平繼淄川皆有政聲諸鉅公及僚友咸耳而目之曰將軍之子也以故交木庵者皆願識尊甫體乾先生而先生教子之賢益著

余嘗論天之生物有異感焉松栢挺澗阿干雲霄戰鬪霜  
雪雷風不改柯葉而其下時或蒸出芝菌以爲瑞物芝菌  
非松栢也稟氣旣厚則其發攄者不主故常夫人則何以  
異於是先生長身脩髯少富材幹承父守府公業入京營  
効力受職練于軍政聲名出同官右然非其志也其教子  
屏去武事杜門延師耑以經術爲務長公補弟子員先生  
所撫猶子也木庵早膺鄉薦久之乃試令山東及先生以  
都勻府都司引年歸看兒拜堂下彬彬然束帶就官家世  
一變矣予向居京師木庵執贄來謁軀幹偉如而富於文  
旣知爲先生子心固奇之旣而就揀選以出窺其意殆急  
於養耳然聞先生年八十矍鑠固不減少壯就養後仍杜  
門課孫如課木庵時嗚呼運際昇平閭閻累世不識兵革  
國家雖科目並懸固以詩書絃誦爲盛事而先生幡然易  
術教子力爲其難用享其報又將垂之無窮夫人志氣凝  
遠則福澤隨之多歷年所此亦松栢之徵也歲甲午四月  
先生初度之辰木庵請一言爲壽則教子其大端矣是爲  
序

鞠蓮隱先生文集序

章印教諭鞠湖齡持其大父蓮隱先生古文三冊求序予  
構置行篋中半載暇日澄閱終卷識之曰文無今古以真

爲貴世之艷稱古文者貴其貌耳夫必倣者貌不倣者神神與理俱不得已而爲之而法行其中然後其真見焉故謂古文有法則可謂古文徒法則不可徒法且不可矧斤斤焉以貌求合者哉明自弇洲于鱗高語秦漢之文震動一世同時熙甫歸氏以妄庸譏之 國朝竹垞太史報李天生書亦極言局論時代爲非今之學者知尊熙甫而黷竹垞矣及搦管爲之仍不過沾沾瑣瑣小自附於聲句之間此與假優孟衣冠爲叔敖笑啼者何異若其猖狂妄行漫然無所取裁者又無論也先生之文繩矩八家長於傳誌敘次法整以密而生趣不乏其論事往復推闡窮極筆

嘉樹山房文集

卷五

三十四

力殆出入廬陵半山間駢體尺牘學東坡多嵌空可喜獨其真氣流衍節節引人入勝則由胷有真得空諸依傍而然想古之立言者如是如是按集中所載先生父爲監司秦中望事歸仲子遜行已未翰林未久休致而先生兩就學博窶困以終雖足跡半天下名譽不出州黨間文豐遇耆觀者惜之然考歸熙甫生平初與二三同好倡酬於荒江寂寞之濱老博一第官僅挂朝籍不可爲過遺編口祝聲光爛然較弇洲于鱗奚若哉先生窮可無恨抑讀先生報某尺牘自言少以貧病廢學年五十始勉爲應酬文今集中如論辨說雜著書後古人自爲文之體槩闕誠如先

生言其或有佚歟否歟然先生非不能者雖復神理內蘊無所觸之則斷不肯獵其法以求肖其貌寧使其集闕然蓋先輩立心無所偽焉而已

送高唐牧湯子芳濱乞養南歸序

勇退大節也致仕必待年移疾往往嫌于自便其私求可以經行已志而人莫之議者惟父母在而在而乞養之條耳然以其非功令之所迫責故非萬不獲已莫肯陳情焉則明發之性微而勇退不貴詩小雅南陔序言孝子相戒以養也白華序言孝子之潔白也此未仕之孝子也若四牡北山鴉羽諸篇皆言父母此既仕之孝子也人子貧無養則

嘉樹山房文集

卷五

三五

仕或父母未衰則亦仕兄弟無故救水有託則仕或遊宦近方便於迎養則亦仕若此數端度當日四牡北山鴉羽諸詩人必有合焉迨夫靡盬不遑長言詠歎循其義豈有減於南陔白華哉使中途稍可息肩則解組巾車不再計決矣此其至性較然可爲天下後世親在而服官者告也丹陽湯子芳濱予丁丑所取士壬辰春自山右來牧高唐三年矣母太宜人年八十餘芳濱初謀迎養既來旋返則命其室奉侍以歸而伯兄登鼇牧粵西病卒於官弟弱不克家於是芳濱懼傷母太宜人心諭於予欲謀歸養予亟爲陳古義趨之芳濱歸意益決芳濱居官廉靜篤實州民

愛之其謀人也忠僚友交口贊揚旣以情牒申上游大吏  
重惜其去留之不能得嗚呼天下游子衆矣窮無所之然  
後思返焉傷已以芳濱之治行聲譽美遷可翹足待而遽  
毅然以去此豈有迫於外者比耶予固知芳濱之用心卽  
四牡北山鷓羽之用心乃其進退尤覺裕如行矣芳濱入  
門則全乎爲子綵衣奉觴不復知其爲官身也仕宦孰不  
有退若芳濱之退求之古人亦往往而鮮也于其行酌之  
酒而爲之歌曰

子之游兮於京颯飛蓬兮長征子之留兮假館化素衣兮  
穿望眼子之捷兮南官旗鈴喜兮魂夢中初筮仕兮山右  
嘉樹山房文集

卷五

三六

身不肥兮民富嗟陟圯兮勞人念明發兮心疚領牧兮來  
東便將迎兮一水通旣來兮旋返望飛雲兮思安窮誓解  
組兮承歡園有葵兮陔有蘭入門兮嘉慶會婦成行兮孫  
一隊燦燦兮綵衣熙小艸兮藹春暉三公萬鍾皆有待高  
堂念子且遄歸吁嗟乎高堂念子且遄歸

曲阜縣志序

天下志乘之全責在史官勢必由一郡一邑之分見

者基之顧其始事莫適爲主其鄉之士大夫曰非吾

事也其守土之官曰吾事也然姑有待也且夫假尺

寸之柄積歲月之久以成一書爲功似易然非老於

文者或莫幾焉與其率然以從事毋寧待也而索之  
一旦難矣曲阜志凡數脩皆孔氏自縣令改用選人  
因循未及前邑侯今遷濮州牧湖南潘君當

鑿輿五幸

盛典續脩之後慨舊志殘缺發憤圖之書成爲卷百考据  
詳審體閱以正其通編二十一卷兼史鑑編年分國  
之例尤善取材雖遷濮不以身去弛其業蓋未及三  
十年凡四易稿而後授梓可謂敏事也已君序自言是  
書以速成抱歉疏略夫歷代正史具在高下判然大  
約得其人則鮮失不得其人則多失又尚責之一人

嘉樹山房文集

卷五

三七

則易精分授之衆手則易龔不係成之久與近也君  
積學有文毅然以述作自命旣親蒞聖鄉又恭遇

聖主時巡展義之會文物大備典禮有徵於焉褒萃潤色  
以盡其才宜其取精多而成功偉矣聖蹟諸門舊志  
傷多君書釐要孳綱以就其體予觀闕里文獻考一  
編孔氏繼汾所纂尚表聖蹟最爲典核一邑之志固  
與家乘殊科言貴各有當耳嗚呼守土之官競趨案  
牘則文事後矣前年東昌守胡君書巢歷城志成予  
爲序之今又爲明府序此蓋

盛世民物阜安賢守令所至科條不擾卧理之餘用得單

思古義奮文筆以備他日輶軒之采彬彬乎雅化也  
哉

四書翼注論文序

有載道之言有明教之言聖人贊易修春秋其文高深肅穆用以載道而論語一書無非教者故指遠而言彌近二者豈有殊歟其所用之異也若曾子子思孟子傳道之書其深造自得往往不能執途人而語之故以大中孟子方論語則疑其未能神明於教然論語之不可狎而玩者終賴大中孟子以爲之扞衛其相須若一體然是以有宋程朱諸儒比而合之而朱子又爲之注蓋明教之極思也雖然人不徧讀九經不知四子書之貴不徧讀諸家之注與朱子之書不知集注之貴蓋俗畏他經而不畏四書以其明白而純粹也集注之文通體似論語而卹師蒙徒方挾其譎譎拘拘之見狎而玩之描摹演說萬口如一旦彼亦烏知夫明白純粹者之爲道乎貌其平易以便其空疎沒於俗而已耳閩中張惕庵先生掌教滇黔十餘年旣著五經通辨若干卷又成四書翼注論文一編抄寄凡例以書問序於余余三復味之則見其鉤貫羣籍凌蹕衆說一變訓詁之詞歸於雅健而皆明爲集注之所自有斯其所以爲翼也蓋學者有玩視朱注之心則終身不能入孔孟之



門先生懼焉故集注以明教爲宗而道存先生是書取集注所載之道暢發之卽以爲教其趣一而已矣末學鹵莽汨汨垂老側聞大叩之鳴憬若洪鐘發寤延佇全書先睹爲快輒用引伸鄙衷揚推述作大意以敬質焉謹序

### 重修族譜序

先君晚年處約樂善自簡髫齡睹記所及惟以敦本睦族爲務歲時上塚必親訓兒輩必以先德視遠族如近支有流寄者謹誌之其子弟稍秀必致之家塾育誨之俾有成立族女婦有節孝懿行必表揚之家譜藏有舊本先君命堂叔諱杰堂兄諱珖重修之法未詳備又力不能授梓先

嘉樹山房文集

卷五

三

君慊焉自先君捐館舍伯兄與簡先後官京師藏譜在家堂兄珖子如杜續加添注伯兄聞而嘉之索貯篋衍顧公私恹僂未暇及也荏苒二十年來先人志業墮焉弗彰伯兄在官又已篤老簡以屏廢疾病餘閒更不及時黽勉從事以墜先人之緒爲咎滋大按譜例必詳宗法老泉蘇氏專明小宗歸氏熙甫則以有大宗而後有小宗二說固然然竊謂二宗之名皆不可以空文立也蓋譜系旣立支派自詳所謂不變之大宗與屢變之小宗雖不標其名而犁然在目徒以敬宗必收族收族則婚喪祭燕歲時和會百禮具舉費有從出今九族百門或合或散有極貧無中富

祠廟不建祭田不廣義田不置禮儀不足以相攝患難不足以相恤斤斤焉以一卷之書鳩之安在其能收族也雖然先人之爲此豈徒然哉以有待也待而未來又將重爲其可待也俾我世世子孫披圖按譜思先人志意所存而無忘有事有其舉之惡可以已譜先序次凡例次目次圖次世譜次後編次書後凡例視舊小變加詳焉遂梓之蓋一稟先君之志也

馮氏五子文序

代州馮仲君昆弟五人伯季皆成進士仲叔三人皆乙科既各通籍官中外因彙刻其致身之資與共學舊業都爲

嘉樹山房文集

卷五

四

一集而問序於余余謂科名未足以重文章也惟文章足以爲科名重明其得之非偶然也偶然而得之其獲雋之文必不容於覆按而諦視其平居他作必不能百出不窮多多而益善以出而商之同人問之當世此其難也若夫材彥並鍾其獲雋之文皆可以覆按而諦視其平居他作皆百出而不窮多多而益善可以出而商之同人問之當世使當世因文章以考其科名而後歎其萃於一門之盛又難之難也歲戊子余典湖南試旋塗識今主政仲君於遂平官署恂恂長者訥然言若不出口不知其有文也又不知其伯仲之間競爽如是宋之眉山大小蘇天末孤進

小生一日而名滿都下今其應制及平生之文具在信無  
虛附也 國朝一門文章首推宜興儲氏次金壇王氏諸  
儲以氣格勝諸王以法律勝相唱若嗎子然又桐城三方  
氏之潤卓皆同懷濟美駢枝交萼於制作之林而過或不  
齊如君昆弟庶幾無憾蓋世之緣科名以求文章者未必  
得也必執文章以券科名又未必得也文章與科名稱者  
什伯而得一焉君昆弟皆遇矣而皆有文天下之談科第  
與論文章者必以稱首也抑文之至者千百世下必當併  
傳其人君昆弟惟某君早世仲君歷外任有廉惠聲餘年  
都未艾也美材高行方駕並翔使夫卓犖不朽之蹟翼然  
嘉樹山房文集

卷五

四

如驂之有靳可以覆按而諦視多而益善於以商同人  
而問當世他日拭目盍手讀君家傳者又不徒以文苑求  
也豈不盛哉

嚴先生衡石制義遺稿序

兩公子文附

余同歲子能以進士世其家者指不數屈故錦屏令漢中  
嚴衡石先生令嗣慶雲昇暉其一也乾隆戊辰禮部舉士  
關右預廷對者十三人翰林雷君諱賜履早歿其官於外  
者王名元常家名予申暨先生皆與余交善而先生一再  
晤別後竟以隔世昇暉弱冠登辛未第初令滇南之羅次  
縣有循聲庚辰辛巳之間余督學兩迤公暇叩其家學乃

知先生立誠有素而昇暉文章致身繼美前人不惟以吏績顯已亥秋余閒居京師昇暉自山西之渾源州牧計薦入都過余以先生制義遺稿及昇暉自作併令弟國子貢生景雲之作各一編屬予點定余展卷憮然是時先生下世已久距成進士三十餘年矣先生視余十年以長憶丁丑歲謁選來京公讌私集古貌巖然在目老成旣謝壯節就衰舊雨都以零落卽昇暉鬢髮斑如亦非昔日聚散盛衰存歿之迹自古以然可勝慨哉然先生宦未達年未永名未高旣式穀有人又遺編足破寂寞亦倍增同袍之壯思也余才弱不足以評騭先生及兩公子之友則請誦老嘉樹山房文集

卷五

四三

泉蘇氏木山三峯快語以贈

甘泉令玉蓮洲星燭文稿序

虞書曰敷納以言明試以功二者居取人之大端矣人材有高下大小之殊而無不歸于正猶之言有高下大小之殊而無不歸于正必以言語例行誼責事功未必得也十或四五焉取人者故嘗摸索於紛糅恍惚之中庶幾其一當亦聽言之大端矣予居翰林二十餘年觀歷科京兆禮闈登進諸雋或駁歷中外宦蹟所就勲名蔚然當年致身之資雖不必一一比合要以歎糊名易書前人之斟酌苦心法歷久而未有以易也夫糊名易書使觀者摸索於紛

樛悅惚之中一朝夕事耳若夫爲是言者其立誠居業則有年矣廣收約取優游饜飫以求其合當其意得非徒求合於人也彼其畢生之行謹事功皆將併而出之一途他日舉而措之豈欲自負所言乎是以佳士必不苟於立言其致身之資往往愈久而不能忘而以言取人者亦樂得而論定之粵西玉侯星燭予丁丑分校所得士令陝西之甘泉十餘年甘泉地瘠民淳侯治以慈靜所居無赫赫名然大吏不以爲不能其士民相與安之方諸史冊殆所謂惘惘無華日計不足月計有餘者乎日者公子輝琛來京持侯書併生平所爲制義一冊求序於余余披之愛其安嘉樹山房文集

卷五

四三

詳質實愷悌之氣流溢行間宛乎如見侯之居官也侯居官之迹不愧其言平日之言不愧其一目致身之言予以是竊喜聽言之有得而又以質諸同志爲國取人司聽言之柄者於是乎書

枝巢集序

枝巢集者予告翰林學士圖君裕軒之詩也余與裕軒同舉乾隆戊辰進士同入翰林應制賡和諸作先後偶于然裕軒初不以詩自名也厥後陪扈行幄以及典試蜀齊蹴征物色皆有佳句相酬裕軒澹然無矜色人亦若相與忘之初循資晉頭廳一挫再振光復前階遂以疾辭

年方強仕家非素封輒蕭然引身絕意進取儕輩之中未  
有如裕軒者也余嘗謂詩派不一學者各得其性之所近  
而清遠閒適味外之外惟天性淡泊者近之襄陽高格輒  
川逸情出處不同譬諸草木吾臭味也於吾裕軒彷彿遇  
之裕軒旣賦閒居田園之作富焉當其意得悠然與候蟲  
時鳥同應化機章句工拙蓋不足論後有觀者可以想見  
其爲人矣昔讀廬青山人曉巢集歎其孤詣裕軒於深造  
處似稍遜焉而天趣過之焦螟巢曉列子蓋寓言也莊子  
鷦鷯之喻於義尤釋張平子賦之斯大雅之所取也深林  
一枝有同志耳余故樂爲之引言云

嘉樹山房文集

卷五

四

澠池令苗斐來先生暨配張孺人雙壽序

洪範五福先壽而貴不與蓋祿位名壽備之者惟聖人下  
此身名顯則憂勞或集不可以福概也古高士好以吏隱  
而託於神仙王喬鳧舄葛洪丹砂斯已奇矣若乃優游久  
於其官偕老有伴著代有人無家室之憂有宦游之樂偶  
遇良辰吉日稱觥滿堂此又貴而壽者自然之福遠勝夫  
鄉耆里貽對枌榆而引大年者也予昔視學滇中所取前  
茅士苗中任之尊甫斐來先生由乙科登仕令河南澠池  
七年矣地當衝疲自先生來閭閻不擾公事無誤可謂久  
於其官者與今年七十配張孺人年與先生埒丈夫子二

人長中任由廩膳生成明經次中培太學生自先生筮仕中州孺人以道遠未偕使長男隨任自與次男持門戶如先生在家時先生可謂有自然之福者歟庚子秋予居京師中任偕鄉人過余縷述其家世袖出事略稽首求爲二老人祝嘏之辭予惟先生方在官不可言老然惟孝子知年愛日之私可以並伸而無嫌又况澠之士民與夫在京在其鄉之姻戚朋舊各有不能已於先生者則先生之生平可想此足以壽先生矣論者或以孺人不在任所未極聚順之歡爲疑予以爲不然夫攜家之官者間關跋涉不得已以傳舍爲故廬春露秋霜轉生遠遊悲也今先生超

嘉樹山房文集

卷五

四

遙羈宦南望無廬墓憂者以孺人在家故也皆壽而康皆有壯子侍朝夕時音問色笑如同室矣意懸弧之朝澠之士民祝先生必併及孺人又意設悅之辰滇之姻友祝孺人則首祝先生而長君任走京師廣徵詩歌勒之屏障被之金絲以聯萬里之歡可謂盛事美談者歟齊慶何歎焉中任勉乎哉凡父母以壽爲福子以能爲父母壽爲孝匪徒然也牽牛服賈洗腆用酒庶人之孝也析珪擔爵登堂拜嘉士之孝也先生雖嬰鑠應官而懸車之期亦已屆矣中任勉思致身青雲及先生引歸與孺人聚首時更集親懿錦袍綵舞爲二老人侑八袞之觴予佇目望之

嘉樹山房文集目錄卷六

太學志藝文小引

讀孟論文贈言

歸震川集選題辭

方望溪集選題辭

跋沈耿堂書冊

跋孟太翁蘭亭臨本

書建昌太守胡公殉難錄後

奉政大夫觀察使遇天舒公家傳

誥授中憲大夫分巡南汝光道丹岩張公家傳

嘉樹山房文集

卷六

目錄

一

李馮氏節孝傳

節孝孫母陳孺人傳

芥舟先生小傳

藥根上人小傳

節孝夏母張太恭人家傳

李孝廉祖母趙孺人貞節家傳

南騰敘畧



嘉樹山房文集

任邱李中簡廉衣著

男學穎栗夫氏授梓

孫昉游  
曇華初氏校字

雜文卷六

大學志藝文小引

代陸司成宗楷

漢班固撰漢書本劉歆七畧而作藝文志顧載其目而不載其辭爲其泛而雜也作史之體固然若夫別於史而爲志所志止此一事則凡古今文辭之尚爲此一事而發者犁然若網之在綱不博取而審擇之將使後之覽者無所徵文而考獻焉故藝文作志之大端也京師太學自元明以來元太學無志明太學亦不載藝文

嘉樹山房文集

卷六

一

國朝人文蔚起成均髦秀後先輝映百餘年來名卿大夫之敷陳賢人君子之紀載咏歌可謂盛矣而惟志未有成書是以文章散軼無所附著且夫建國必首建學學之盛衰不同若夫名卿大夫之敷陳與夫賢人君子之咏歌紀載古今一也前國子助教臣王雲廷嘗有志此書草創未竟藝文所收十不及一元明以來蓋寥寥焉臣茲所編蓋本王書而廣之蒐討正史旁涉諸集分爲四門曰奏議曰著撰曰詩曰賦首載

本朝然後上溯西漢以迄元明凡有關大學之作哀集澄

汰取其菁英畧其蕪累彬彬焉蔚蔚焉皆披文相質鏗鏘金石之作也臣任司成久所自揆陳聞亦不揣固陋附以備考庶啟斯編者燦然見我

國家作人之盛願與多士詠猶絃誦於其間且緬然思古來學校之廢興菁莪棫樸之美子衿城闕之刺千載若同符焉則此藝文一門所關於太學者豈淺鮮哉

讀孟論文贈言

經載道者也不可以文論易詩書之言皆至文而昌黎韓氏之論不過曰渾噩佶屈而已不過曰奇而法正而葩而已非如鄉邑教授之讀時文必旁圈頂批以爲某筆得勢

嘉樹山房文集

卷六

二

某筆合法之說之陋也世傳蘇批孟子孺年七八歲時於人家案頭見之初若可喜及稍長則頗疑之暇日以質先生先生曰嘻明允豈宜有此考本傳明允以跌宕之材中年折節學問於書無所不讀旣已有得又厚自遏抑絕筆不爲文者五六年然後沛然抒其中之所不容已殆非沾沾尺寸以求合者也然明允學晚而文至世艷稱之意其必有揣摩秘本可以捷獲者又以其策論筆勢縱橫有類孟子於是好事者託焉今觀其書鄙倍種種假如明允實爲之固不足效又况萬萬不出於明允者哉山西某孝廉謁邈來京出手批讀孟論文一冊相質予閱之旣閱其勤

正告之曰讀古人書當明其體要所存其有意於文者可  
以文論也其非有意於文者不可以文論也孟子子而經  
者也自宋儒尊孟子班于論語大中考亭既爲之注而前  
明科舉制義用以命題取士國朝因之蓋明是書爲經  
道所在故可以文之若旣以爲文矣豈復可以有加乎凡  
學之患莫大於背經次莫大於褻經意存乎表而章之而  
不知已自流於褻此俗學井觀之弊不可以韓蘇借口雖  
然若孝廉之用心則已勤矣子不云乎述而不作論文述  
之屬也猶愈于妄庸人之偶然自詡於作者乎

歸震川集選題辭

嘉樹山房文集

卷六

三

震川之文得力南豐其學有根柢禦倭議及東南水利諸  
篇鑿鑿可見之施行世目之爲迂儒非也諸序記議論皆  
能舉其大碑板具有法度顧多牽于酬應未免拖沓耳三  
節婦傳潔而逸及城隍廟靈應記格韻殆近柳州爲集中  
高品諸上書摹韓嫌太規似

方望溪集選題辭

望溪之文以全力刊削枝葉下語多見本源其意蓋直欲  
上掩唐宋自成一子而羽翼六經也顧嘗論之文以載道  
載道必以文者貴能因物賦形設兩端以窮道之變望溪  
之於文迨於近道其於兩端猶未竭焉其論宋五子之書

曰抑不如古人之旨遠而辭文至其自作亦多未免理障  
特詞氣取材荀卿較五子加健厲耳讀經史諸篇所見卓  
越具徵別古書正僞本領書序道峭近半山碑板過求峻  
潔運掉凌空多不入格

跋沈耿堂書冊

友人令狐太峯持沈君耿堂正書冊子索序於芥舟而又  
以諉予爲跋予一再觀之有感焉志其後曰書者意而已  
雖小道然不可以不學學之無慮工否存其意可焉今沈  
君之書其意可知也 朝廷以制科取士舉于鄉貢于禮  
部法皆糊名易書禮部合格

嘉樹山房文集

卷六

四

天子乃親臨軒而策問之及其合格乃稱進士當是時始  
得以草茅之迹達乎

宸覽而鄉塾之師艷稱進士遂以禮部之舉當之漠然視  
學書爲無用其尤謬者至用市儈寫法如以听爲聽以父  
爲義之類子弟轉相沿仿恬然不爲怪及其一旦哀然雋  
于南宮至廷對時乃大窘怪其從前未聞學書之一言而  
塾師無以應也以予所見往往而是太峯自恥不能書又  
亟求正書以勗其子弟可謂知務者哉抑余又有感焉書  
藝耳古人無論今之能者多矣然則宜何從曰知其人可  
學其書不知其人則不必學其書世俗之人或挾一軸紙

投漫刺於素不謀面貴人之家苟得其門客一揮假欵識  
書年月歸供几案以詫其鄉族此其意豈果能嗜書者耶  
又何論學也太峰久客京師不僕僕爲世俗態而近取耿  
堂之書使芥舟序之予跋之他日歸里摩挲之餘猶有情  
焉不惟其書之區區也予與諸君皆同年交嘉沈書有學  
者之意而太峯之不以彼而易此也於是乎書

跋孟太翁蘭亭臨本

松雪十三跋帖云右軍書蘭亭是已退筆因其勢而用之  
無不如志茲其所以神也臨蘭亭者無慮數十百家而以  
定武爲極定武是歐陽率更臨本率更書不擇筆其子通

嘉樹山房文集

卷六

五

晚自矜貴非精筆不書卒不逮父遠甚由是言之書之於  
筆直寄焉耳神明離合固未可以假物求也河東廉夫先  
生工書不名一家公子玉符官京師與予兄弟善暇日出  
先生雜臨晉唐宋元諸名蹟二冊又蘭亭一本皆已上石  
蘭亭較定武本字體稍放諦視之古法新意不爽銖髮而  
掣曳處故多岐鋒蓋亦用退筆爲之者公子又言先生生  
平不蓄良紙墨壞材縱橫几案興至則纍纍作數十幅不  
厭噫其熟者機耶其別有宿悟懸解耶莊子所謂忘筌蹄  
者耶技也進乎道矣先生官天津漕運副使遷貴州平越  
守皆有治聲引疾歸近聞以右臂風緩廢書然則先生之

絕詣流傳於世者久而愈可貴也公子請跋遂書以應之

書建昌太守胡公殉難錄後

子孫卽欲侈美其先世獨節義不可爲僞死忠節義之尤鉅者也予向讀 國朝予卹明督師尙書孫伯雅先生白谷文集元孫爾桂索爲序之歎先生之節久而後論定順治四五年間金聲桓王得仁亂江西時則建昌守胡公死事尤烈余來山左得讀 公殉難錄猶私編也二公者遭時不同而一門殉難則同然孫先生效忠於亂世流言橫出是非倒置至以捐軀爲苟免他又何說若胡公爲

興朝守土臣一旦窮寇豕突變出非意毅然成仁當其時

嘉樹山房文集

卷六

六

兩公子以蒙難受官大將軍以褒忠付劄竹帛琬琰宜不逾時乃百餘年來卓犖大節僅若存若歿於公牒家傳間豈非戎馬倥傯之秋大吏陳請闕略表章論列猶賴後賢哉世之論伯雅先生者多以柿園襄城兩敗多其忠而少其智公之見給于賊毋乃類是是殆不然夫智不屈則忠不見莫非天也天欲顯孫公之免胄入敵故以再雨潰其師天欲顯胡公之抗辭罵賊故以一誤陷其城成敗之蹟大抵類然不足深論獨以下國遠臣全家搜凶鋒于

國祚鼎新之日而報施未稱君子是以尤珍之錄出公會孫名德琳太守手輯餘于令劄付一兩公子請終制呈一

請卹請祀公呈二雜紀二傳一序二跋識三詩一他廣徵  
藝文方未已不自鋪述用著公是賢哉盡臣念祖之義也

奉政大夫觀察使遇天舒公家傳

吾邑有篤行君子曰遇天舒公能用其富以行其志少壯  
而四方而歸老於家其蹟準犖皆可稱道或曰公之少時  
殆于求富也或曰公非求富者求養耳富適與公值焉以  
予考公行誼公不諱求富人莫大乎竭力所生親諸昆弟  
族姓惠及鄉里仕宦則假尺寸之柄推所有爲國家利  
濟人民揚名於後世不富將焉取之苟以其道求富何必  
諱公諱成龍號荆南遇天其字行二世居邑東之石邨今  
嘉樹山房文集

卷六

七

城西門內宅自公起始遷也公祖完白先生邑名進士公  
父峯若封公丈夫子五人公爲長初業儒已而慨然棄去  
謀所以養親者之京師遇貴人偉公貌試以理財善之旣  
而盡委公經度公毫無所苟而與道大適數年貴人益奇  
公幹局訪以時務將薦之朝公力辭焉請自以營田効  
力進身許之公年譜中所載謁怡賢親王及辭王保舉  
是其事也當是時王之重公與公之自重以重王名徹  
都下居京師十餘年家稍稍充然每歲除必間歸里盡出  
所蓄爲父封公與母邊太宜人供養歡旣遂所養諸弟相  
與協力家益昌而公方用前効力資試牧湖北雍正十二

年也公自居京師有義聲名公卿皆願識公而公謹慎不  
妄交結既歷宦途益思散財急公爲士民倡凡所得爲不  
憚勞費知荆門州十三年百廢具舉所捐貲以萬計州人  
爲立生祠事具詳州志他所歷湖南甘肅山西諸省官未  
久皆有惠政可紀公之再往湖北也母邊太宜人旣歿封  
公尙健公迎養者再因入都便三過里門省親賙恤遍族  
黨遠近稱之家居前後十餘年置祭田二百畝以奉先增  
置義田千畝義宅一區以贍族人重建石村杏園書屋延  
師育族人之秀者承公祖完白公志也其候補知府京師  
創置河間會館首捐千金經久事宜以身任公豐頤圓準

眉宇愷悌性儉朴自奉不及中人嗜善若饑渴早夜猶恐  
不及朋儕遊戲都無所好遇人談孝友事津津乎有餘味  
也門內小不率立起自責必服教乃已公事具詳年譜年  
譜者公卒後公門人荆門舉人蔚柱爲公編公長子其綬  
持丐予傳傳錄其大謹按公二十入都三十五而登仕六  
十八而歸田又四年而卒是爲乾隆辛卯先二年公手著  
行年紀略示諸子曰欲後人知吾志也蔚譜據之

贊曰夫厚德必以事徵雖不逃名不得以近名譏也人莫  
不念其子孫公富四十餘年歿後諸子乃僅自給耳觀公  
生平得力在乎克己強恕勇於見義故宦蹟莫盛於荆



門及三過里又家居十年敦行不怠之聲洋溢鄉黨矣

誥授中憲大夫分巡南汝光道丹岩張公家傳

凡家世之以財雄於鄉里者多無聞人得一二賢子孫稍稍以儒術自文致身通籍然名譽卒未甚高富之累人如是蓋亦有老成人焉及久而後論定故河南分巡南汝光道丹岩先生張氏世居景州之棗林莊棗林張氏富名播於遠近以予聞見所及若先生者其諸所謂老成人歟先生篤於內行初奉母不仕旣以明經資由司馬擢郡守治江寧八年民懷其惠改池州旋擢南汝光分巡廉使其治池州也太平蕪湖盜積案累年公至推勘立判以故兩江疑獄多委公公多所平反未幾以同官事壘議內授水部郎中二年復外授鳳陽府佐引疾歸數年考終於家此宦蹟之大略也治家恭儉旣歸後定祭禮立家法置祭田以收族不以蓄積爲意人忘其富子六人垆最賢與予善皆浮沈牧令功名未能嗣續家亦漸落然行誼皆有先人風與之交循循雅飭居然清門胄矣知先生之留詒不在彼而在此也予視學山東垆以書寄碑陰之記丐爲傳是用類次其語綴以己意以塞其請

贊曰貧富居世局之半矣名實趣舍之際中才罕自拔焉貧者難而易富者易而難觀先生者早年以德性中年以

功名晚年以禮法盡力爲其難僅而免爲富人嗚呼其可以無傳也哉

李馮氏節孝傳

西寧李家有婦馮氏大同馮子遜長女也子遜世爲士族教家頗嚴氏得之天者尤篤性不喜綺麗幼時與諸母語或言欲得順境氏曰境無順逆要貴秉德一耳父聞而奇之及長適濟溪李公長孫漸鴻實爲振哉公之長婦漸鴻舊有咯血疾羸憊不自支合吞後氏卽躬侍湯藥未嘗須臾懈閱二歲而漸鴻殂氏號泣不食欲相從地下父責以大義曰女勉爲節婦耳何以殉死爲且汝幸有遺腹而忍

嘉樹山房文集

卷六

十

絕人宗乎氏泣受命已果舉丈夫子名如望竟以成立鴻嗣得不絕振哉公元配梁氏生漸鴻兄弟早逝繼室張氏病產久不愈氏衣不解帶者累月張卒又繼室康氏亦多病時時困床褥氏侍左右晨夕無稍懈是時氏祖舅濟溪公祖姑薛氏尙在堂以氏少寡執勞尤憐之數使少間氏曰姑病婦安忍自逸彌自力濟溪公食指繁衆家計無鉅細氏以一身任之氏年十八適李氏閱十六年備嘗諸艱苦至有臧獲所不堪而氏未嘗幾微見於顏色年三十四以卒初漸鴻弟某弟婦某氏俱早歿遺孤某與氏遺腹子年相將氏以賃乳糜財且恐兒失調護分乳給之及兩孤

稍長使就塾衣若食必先姪而後子暇時則教之曰汝曹  
念之汝曾祖父祖父年俱衰汝父兄弟皆不及事汝父兄  
弟有知何以自安地下能釋汝父兄弟之恨者惟汝曹汝  
曹念之吾一婦人死不恨矣言訖哽咽兩兒皆哭族黨聞  
之無不墮淚者嗚呼人孰無死所以處死者實難苟難不  
足貴也如氏所守惻欵沈摯終始不渝迹其生平豈愛死  
者耶而世俗或忽其常終不得與以烈殉節者比傷已悲  
夫爲善不近名三代以下或難之豈所望于女子哉氏叔  
舅某司鐸固邑與予友戈子鵬翼同官予既聞氏事蹟詳  
謂宜筆存之以備揚推陰德者之采故爲之傳氏於法當  
嘉樹山房文集

卷六

十一

旌以卒時年尙少例不得請云

節孝孫母陳孺人傳

節孝孫陳孺人者順天寶坻縣處士陳之璧之女同邑監  
生孫兆翰之妻而教諭孫儒之母也年十九而歸六年而  
寡寡二十年而卒卒後十七年然後得

旨而旌焉孺人之旌也以節以孝而其所以得旌者實以  
有子而賢孺人子教諭博野予嗣子學穎館博野與教諭  
往來久故備得其詳孺人夫病孺人身不解帶者六十餘  
日禱於神願以身代及夫亡後守禮自重強節哭泣以安  
舅姑心二老人安之卒享大年而終孺人養生送死族黨

咸稱焉其教子也始而口授經書繼就外傳一切以義裁  
恩兼有父道是以子儒蚤有名譽由選拔登仕版此其節  
孝尤著者儒旣成立具呈以達於學官學官以是達於督  
學督學彙咨制府以是達於禮部禮部據以請  
天子允之禮部奉

旨某門某氏旌表節孝下於制府制府下於該郡該郡下  
於該縣該縣例准給費建坊顏曰奉

旨旌表節孝某門某氏嗚呼可謂榮矣又九年教諭來京  
持其旌表前後事實過予丐爲傳夫傳者傳也孺人得旌  
旣傳矣又何傳顧吾獨感其有子而賢能歷誌母氏之苦  
嘉樹山房文集

卷六

三

節純孝而表彰之而其言足以取信於當世也於是乎書  
贊曰氏之完節久矣卒十七年而後旌者何也子未成立  
天之報施善人將有待也嗚呼世之苦節純孝而無子與  
有子而不賢者豈少哉此則采風者之責也

芥舟先生小傳

芥舟先生病卒丹徒遺書令弟源屬予爲傳嗚呼予何足  
以傳先生顧惟予得交先生久先生歿身之託旣不可忍  
竊亦欲紬繹先生生平著錄之以永其悲作小傳謹按河  
間戈氏自侍御檢討歸安令封公三世皆以儒術致身官  
中外爲郡望門至芥舟先生而名始大天下之人識與不

識無不知有芥舟先生者及其卒也鄉之戚友朝之紳士  
凡親其言論風采誦其文章者無不歎息痛悼焉嗚呼古  
所謂死而不朽者非歟先生諱濤號蘧園芥舟其字也少  
穎異讀書志氣激發慨然與古人哀樂年十六補邑庠生  
始講出門交然性介特不能爲苟同故生平執友不數數  
觀學深於詩初從潘陽戴通乾先生問途旣受知於督學  
嘉興錢香樹先生目之曰此子他日成就當過雪厓雪厓  
者吾邑檢討龐公也與遊徵君隨園晨夕最久已乃上下  
沿湖歸於自得體氣蒼涼高潔類其爲人余年十二與先  
生爲昆弟交先生長余四年儼然以古義相勗雖笑談甚  
淡而終日無誕諺之語情慢之容余爲諸生應歲科試或  
間歲一晤先生於郡城歸未嘗不爽然自失也弱冠舉於  
鄉旣而屢蹶禮部從父封公之河南嵩縣任封公緣事解  
官先生獨留二年始得歸家貧傭筆養親教諸弟皆有聲  
譽及封公再起官於浙先生命妻子隨之任所獨游京師  
五年學益老名亦益立遂以翰林世其家是時予初供編  
修職常與先生同輿易衣或析宅而居故蹤蹟尤密先生  
識趣高簡望之嶄然若不可卽至其論交灑如也謀人如  
謀己朋友有過未嘗不規與之言是則如響小差則默未  
嘗違心妄應不喜世俗穢祥小數博奕諧戲工書喜爲詩

文雅集文恒先成性勤敏綜整眠食有常度少飲輒醉飲必以暮常服必潔以朴入其室案無凝塵雖巾烏微物必得其所初用少銀臺薄圖南先生薦以經學徵未屆期而選館先是封公官浙之開化調繁歸安失意大吏欲撫細故以快其私慙於先生而止旣而仲弟濟季弟源先後雋於鄉先生典試大郡明年季弟聯捷官戶部家慶俱集而封公引年歸先生牽諸弟綵衣稱壽戚友咸在焉於時先生最樂改官御史數上封事稱

旨遇京察當事欲置以上考故事得上考多得美遷先生力辭曰御史言事職也豈可以此階榮進哉聞者服其言

嘉樹山房文集

卷六

七

而止其耿介自許蓋天性也官終刑科掌印晚年銳意著述古文疎宥有奇氣尤長傳記作族譜邑乘以發其蘊積而四方奇節偉行耳目所及又時時網羅登載十餘年來遠近慕學之人欲託文字以有傳者類皆顛顛相向而先生不幸道病中壽死矣所著戈氏族譜獻邑志皆已付梓

劫堂詩集劫堂雜著各若干卷藏於家自先生死而直隸

十郡後進之士皆惘然失所嚮往云

贊曰荀卿子有言君子安雅古今砥礪名檢有二途歟以予所見芥舟先生文行甚修覈其歸存庶幾有合於詩小大之義知者當不病予阿所好也先生知名無虛附必以

其質立之務抗心矜尙神明間烏得不落落自異乎

藥根上人小傳

甲戌予客揚州所識方外士三曰具如曰拙樵曰藥根揚州之名刹曰平山堂寺地佳勝冠蓋輻輳小住送迎無虛日拙樵主之而天寧寺附郭香火甚盛有放生園池富商豪宦所輸充牣其中沙門因以爲利具如主之二僧者各據方丈爲名高隱若相角至論其才品皆無能與藥公爲役也藥公故居城中之祇園庵庵絕狹小人跡聞然予初聞其名造焉與之語循循如書生讀其詩清拔有韻益不類緇流語予以是心愛之旣余北還官京師十年絕不相

嘉樹山房文集

卷六

五

聞甲申秋有僧來謁視其刺則藥公也自云數年來居牛首祖堂茲更欲西禮五臺因盛暑暫留京師耳貽予曹扇一泥金題二詩於上素冊一書其近作書效秦劍泉學士體逼真圖書精妙其手鐫也予一日邀藥公暨諸館閣名士集嘉樹軒賦詩分拈襄陽微雲疎雨句韻藥公得微字卽席成五古十四韻一座傾焉初予識藥公時年三十許瘦頽頰鬢鬢始生髭予嘗戲語之曰子非出家人是江南好秀才欲爲子冠巾可乎藥公顧笑不答十年再晤貌如舊予私歎靜者之天全如是未幾別去了亥又來則鬚鬢半白神致亦小減予驚問其故知爲制軍方公宜田所邀

居保定之青蓮禪舍制軍好詩好書又好圖章兼之會城  
南北交衢應求煩夥是以憊予聞之憮然蓋踰年而藥公  
死矣嗟乎藥公未嘗一日爲平山堂主而終不免于拙樵  
之迎送以槁落其神明是可悲也戊子秋予典試楚中過  
清苑甚雨宿逆旅問藥公成塢處無知者作詩哭之庚寅  
秋重訪之乃知其徒已扶柩南歸矣藥公既于予厚有緩  
急之誼予尤未知所報姑傳上人與予交情始末以時省  
覽云藥公名湛性性又作汎藥根其字一字葯庵丹徒人  
姓徐氏

節孝夏母張太恭人家傳

嘉樹山房文集

卷六

七

予行郡泰安與太守夏君玠共事浹月談次悉其家  
世太守出其祖母節孝張太恭人事實請爲傳予不  
獲辭謹按狀太恭人姓張氏貴州銅仁府提溪長官  
司文魁女湖廣應山訓導贈公諱熾妻歲貢生贈公  
諱之鼎母而泰安知府玠之祖母也夏氏故籍直隸  
薊州自明洪武中始祖諱得辛以指揮領軍入黔駐  
清浪衛因家焉

國朝定鼎罷世職而清浪衛之夏氏遂世以儒顯訓導  
贈公前配朱戚兩太恭人皆早歿一女無子繼室太  
恭人年餘生子而贈公之官湖廣太恭人以家貧不



能隨任獨居操作越五年贈公竟卒於官是時太恭人年二十八誓守志撫孤百計迎贈公柩歸葬祭如禮鍵戶事紡績供衣食又以其餘延師教子愛前女過於所生初贈公宦歿楚北子幼先塋多不知處太恭人從容尋問封碣徧焉嘗攜家避賊經歲始歸一日宅燬于火太恭人蹈烈燄中捧粟主出無傷人以爲孝感先世遺田數畝後爲豪侵則立焚其券曰吾不欲留爲子孫訟端也子一卽太守父贈公孫五太守其次曾孫六太恭人以雍正元年七月卒後贈公三十五年乾隆二十八年貴撫

嘉樹山房文集

卷六

七

題請旌表得

旨建坊兩過

覃恩以孫貴贈孺人晉贈恭人太守風度凝整居官有賢聲與之語愷悌人也念家世微昌太恭人丁其難而未食其報是以索余傳之

贊曰易小過稱過祖遇妣晉言受介福于其王母皆以陰教代終餘慶後人之意今觀張太恭人之以孫貴猶以夫若子貴也夏氏以孺顯久矣中衰而壹德茂焉益利貞以亨過之者受福矣宜太守之大其家福祿未有涯也

李孝廉祖母趙孺人貞節家傳

孝廉名鯤見雲南廣西州人個儻有材氣乾隆庚辰予視學滇中所得士也時州尙爲郡孝廉爲諸生與父簡同應歲試文皆冠軍召覆唱各時同郡生環立屬目予心異焉孝廉父旋以歲薦貢成均孝廉再試前茅予牒送之五華書院肄業文譽駸駸日進予嘗謂學使取士雖以文爲質偶得異才於窮鄉單族之中必務訪求先人隱德以驗爲善之報往往不爽孝廉受知于予久予故得悉其家世孝廉節母孫也孝廉自言祖父汝工公爲郡諸生祖母同郡趙氏生孝廉父簡纔八月而祖父病祖母割股療之罔效

嘉樹山房文集

卷六

十六

旣卒誓守志撫孤孤旣成立爲諸生食餼數十年以明經老有丈夫子三人孝廉其長孝廉與父同冠郡試時祖母康強猶及見之蓋前後完節五十餘年年七十六以及孝廉之言如此孝廉又言祖母於法應旌父每以未得請爲恨父今老矣顧身已逾壯年僅博鄉薦他日卽幸得一官猝不得邀榮再世大懼祖母節行終已就湮敢請所以載諸家乘者以諗後人予旣才孝廉又嘉孝廉之志能承厥考以表其先故詮次其語以付

贊曰節有甘苦婦節未有不苦者也以予所見節婦志行往往待子孫而顯當其苦節之時豈念所及詩云誰謂荼

苦彼誠有以甘乎此也是易所謂恒其德貞之吉也

南陔叙略

余行年六十疾病纏綿進取之志頽如來日景光意爲輕舟中流聽其所止興至策杖流觀於手闢之南陔耿耿前塵明知不足把翫顧弗能憇置也作叙略余生於康熙六十年四月十日 先大夫年六十 母氏蘇太恭人年三十七爲晚舉兒三歲學語教以唐詩積半歲得三百首每一首上口伯兄輒爲鈔撮循鈔本諷誦用以識字粗解其義四五歲時喜觀西遊記及三國演義琅琅誦之羣從異焉一日聞 先大夫爲伯兄講時文 先大夫教余破題

嘉樹山房文集

卷六

九

余自謂能爲之次日起晚 先大夫曰汝自謂能爲破題今卽以起晚爲題汝試爲之余素熟千家詩因用句云睡覺東窓日已紅可以起矣 先大夫驟然謂伯兄曰兒果能之觀其志趣他日殆非遑遑汲汲者也嘗問 先大夫如何是好男子 先大夫語以成進士及聞 先大夫爲仲兄講論語孝弟章輒易其詞曰孝弟是好男子 先大夫以余幼子又類早慧故奇愛之余家素貧 先大夫不瑣瑣問生計糞乏漸不可支伯兄二十一歲入邑庠余生始週晬及仲兄叔兄先後廢學 先大夫獨以余質敏付伯兄使教之八歲從伯兄授徒外鄉距家七八十里仲兄

負之往來或以柳筐二人鼻之行九歲始痘痘後又創經年不能讀書然先大夫以義制情小瘡必使赴館先兄愛余甚篤而督教甚嚴動息必與俱以故余雖居游陋鄉殊未染邨徒惡習十二歲補弟子員受知於湖州吳少司馬小眉先生十五食餼受知於嘉興錢太傅文端先生文端激賞余使列門下牒送會城之青蓮書院肄業始至王方伯諱暮觀風取超等第一名大諫時制軍爲李諱衛宮保文端與宮保書言吾爲書院得一佳士是第二廳人物宮保復書謂爲誠然然觀此小生氣色未開須遲之十年後耳兩閱月而歸後所言並符世服二公有知人鑒余入

嘉樹山房文集

卷六

三

學之年先大夫命之取友交同郡戈侍御青喬戈給諫芥舟明經楊統萬三人時並童年余最幼芥舟志尙夙然恒導余以所未逮始慕爲詩古文辭學大家私擬樂府一卷雜詩一卷呈文端公公曰汝未辨體因出已作樂府與同題者數首使讀之叅其雅俗余心憬然有悟然是時余歲科試屢冠軍而輒擯於京兆私自村曰吾父母年老家貧將以名階爲養地是得毋有妨科舉乎因盡燬其少作絕筆不爲詩者五年舉業成乃肆意嚮古余從伯兄遊十年年十九授室文安王氏先兄解已館授余而白別就館余奉母攜家授徒自是始甲子獨館天津作及今箴十



命者秦學士大士盧學士文弢鍾閣學蘭枝倪太僕承寬  
與余凡五人東壁西園飄如罡風旋弱羽不知歲月之仍  
積也以謹遜奉職得無過戊寅陞右中允轉左其冬陞侍  
講己卯視學滇南挈家以行道遠日長凡山川風物可喜  
可愕公私身事勞苦靜適情思之緒一寓於詩得四百餘  
篇癸未春持示芥舟芥舟欲序之未果也滇中書籍少余  
友福清張惕庵前輩時令昆明余就商焉爲編訓士學行  
錄二卷首撮羣書大義示以標的次摘從祠孔廟自漢迄  
明先賢七人傳以實之歸仍直

內廷秋隨

嘉樹山房文集

卷六

三

駕熱河晉侍講學士甲申充講官初伯兄以戊寅春揀補  
國子監丞與余僦屋同居歸自滇之明年質得崇文門外  
清化寺街宅一區兩院西偏有老椿一株雜花樹數本余  
又稍稍補之俛直

西苑十日而歸信宿去以爲常乙酉春邀伯兄往直廬數  
日倩畫師作花墅對牀之圖題詩三十韻同志多和之其  
秋鄉試分按丙戌會試分按秋武會試副總裁是年嗣子  
學穎揀發浙江候補知縣戊子典試湖南歸哭亡友芥舟  
爲作傳服總已丑隨

駕熱河庚寅

恩科典試湖北辛卯會闈分按秋鄉闈分按卽闈中受  
命視學山左掣家以行始請假便道省墓距乙亥去家十  
七年矣老兄三人皆康強無恙而伯兄遷工部官京師長  
姪學瞻侍嗣子望誤降級捐復仍往浙江余獨偕仲兄叔  
兄暨諸姪諸孫輩掃霜露拜墓門爲文告我父母且感  
且誌幸焉山左俗夸鄉曲妄庸人輕言著作余痛裁抑之  
周遊十郡偉觀三大哀樂中人忽焉欲息癸巳秋莒城道  
中作感舊述懷詩一百四韻以見意初余往滇中仲兄偕  
行二載而歸及往山左仲兄以道近未偕竟成隔世不及  
曩遊遠矣素有痞疾加劇復病臂欲因病請假差未竣不  
嘉樹山房文集

卷六

七

敬也甲午九月值臨清逆匪之變坐失察劣生交部察議  
仍承乏代撫軍徐主考武闈事竣還京降九級仍直  
內廷其秋

賞授編修扈從木蘭冬病足月餘緣事革職閒住丙申正  
月也自通籍及茲幾三十年精力漸衰固甘就休暇念伯  
兄篤老在官欲相依京師爲久計始闕南勝在右安門內  
故道土園地五十畝以銀三百質之中有棗林三畝規以  
土墻起灰屋三楹益蒔雜花樹汲井灌蔬春秋佳日偕妻  
孥以教以息伯兄嘗笑謂余曰汝固耽此此視曩圖花壘  
何如也余生五女皆成立爲人婦旣閒居妾張舉子有穀

二十日殤明年春長女歿其冬幼女歿而伯嫂卽以是年春歿嗣子丁本生母憂歸已亥揀發雲南去甫十日其兄學瞻歿冬伯兄歿嗣子遵例應歸以道遠經年尙無音耗庚子春女庚生其夏歿秋三女歿嗚呼蓬萊士之常天親雨霰之感何其蹙也罷官之明年奉

旨分纂明史本紀未竣授編修月餘復緣山左學政任內失察冒籍部議降調舊例進 呈官書分纂不列名書成當事議更爲余列名請

旨余以病辭自甲午罪議之後蒙

恩賞官者一再

嘉樹山房文集

卷六

十四

聖慈高厚其如小臣命運之屯蹇何辛未辛巳辛卯三遇軍恩均貶贈我 祖父母削籍後身受嗣子歸安七品封渥矣直

內廷十九年

恩賜種種目儀心銘洋洋鈞天七日非夢遊也病休之餘敬惟我 先人志緒重纂族譜稟伯兄命爲同高祖九門子孫公置墓田五十畝卽先叔祖學士中公中憲堂舊址置李氏祠堂三楹殫財竭力不暇自謀家無數椽又余妻多病不能舍適朱氏女而歸遷延旅食南塍留人緣故未艾也性喜曠惡煩游賞不擇伴侶徵逐之場弗與偕也賦



南一厘閉門卻掃或有以書院山長相延者余笑謝之供  
職翰林應

制詩二卷賦頌二卷平生所爲嘉樹軒詩十七卷吳江陸  
方伯耀序之續若干卷雜體文二百餘篇未敢問世留示  
後人耳素承師友淵源文章用心頗有本末而成就僅僅  
如此倘餘年可假庶增修素業以報在三則余之厚幸也  
大庚子十月望前三日文園居士自叙

嘉樹山房文集

卷六

三

大庚子十月望前三日文園居士自叙

收此冊者不可不讀也  
其人其素承師友淵源文章用心頗有本末而成就僅僅  
如此倘餘年可假庶增修素業以報在三則余之厚幸也  
大庚子十月望前三日文園居士自叙

嘉樹山房

嘉樹山房





4  
8  
5